

Андрей Критскийын Кугу канонжо

Кугу пүтын икымше арняштыже православный храмлаште службо годым преподобный Андрей Критскийын öкынен шортмо Кугу канонжо лудалтеш. Кугу пүтö тўналтыште каноным лудмаш христианинлан пүтö подвигыш шогалаш полша.

Кугу пүтын ик тўн духовный задачиже – айдемылан шке илышыже нерген шоналгаш полшаш, шке илышыштыже да койыш-шоктышыштыжо уто-ситыжым ужаш да Юмо полшымо дене тудым тёрлаташ. Тидын деч посна айдеме Кугу пүтым мучашлыше Волгыдо Кугече пайремын кугу куанжым тўрыс пален ок керт.

Шке сулыкшо верч, яндарлык кўкшытыш нёлталт шудымо улмыж верч шортмаш гыч тўналме Кугу пүтö подвигым кажне айдеме Ыльж кынелше Господь Иисус Христос верч йывыртымаш дене мучашла.

Преподобный Андрей Критскийын öкынен шортмо Кугу канонжым ныл ужашлан шелме да Кугу пүтын икымше арнясе тўналтыш ныл кечынже кас еда лудалтеш.

Кугу Пүтын икымше арнясе шочмын лудшаш

1-ше муро

Ирмос: Мыйын утаралтмашем, Полшышем да Аралышем – Тудо мыйын Юмем, Тудым моктем, Тудо мыйын ачамын Юмыжо, да Тудым нёлтем, чаплын вет чапландаралтын.

Припев: Серлаге мыйым, Юмо, серлаге.

Осал паша дене темше илышемым ужын, кушеч шорташ тўналам? Христос Юмо, öкынен шортмемлан могай тўналтышым пыштем? Чаманыше улмет дене мыланем сулык касарымашым пу.

Серлаге мыйым, Юмо, серлаге.

Пиалдыме чонем, шке капет дене тол да чылаштым Пўрышылан сулыкетым поч, ончычсо семын шотдымын илыметым чарне да, сулыкет верч öкынен, шинчавўдетым Юмылан кондо.

Серлаге мыйым, Юмо, серлаге.

Икымше айдеме Адам самынак закондымо пашам йӧратенам, сулыкемлан кӧра Юмо да курымышлык Кугъжаныш деч, тыгак пиал дечат корандыме улмемым палем.

Серлаге мыйым, Юмо, серлаге.

Ойго мыланем, пиалдыме чонем, молан тый икымше Ева гай лийынат? Осалым ыштыметым паленак, пушенгым тӱкенат, шонен шуде, саскажым лӱдде кочкынат да кочыж дене темынат.

Серлаге мыйым, Юмо, серлаге.

Шижын моштышо Ева олмеш кӧргыштем вес Ева помыжалтын, кап ден чоным алгаштарыше шупшмаш, кочмеке, тудо тамлын чучеш да кочыж дене тема.

Серлаге мыйым, Юмо, серлаге.

Утарышем, вет Адам Тыйын ик кӱштымашетым веле шуктен огыл да Едем гыч поктен лукмо лийын. Тыйын илышым пуышо кӱштымашет-влакым эре пудыртымемлан кӧра мыланем мом ужман?

Тау Ачалан, Эргылан да Святой Шӱлышлан.

Троицен: Курым-курымеш улшо Кумытло, Тыланет, ик Юмылан, кумалына. Мыйын ӱмбачем сулыкан нелытым коранде да Шке чаманымет дене мыланем чон луштарыше шинчавӱдым пу.

Кызыгат, керек-кунамат, курым-курым мучкак. Аминь.

Богородичен: Юмым Шочыктышо Ӱдыр, Тыланет мурышо-влакын Ӱшанышт да нунын верч Йодын шогышо, сулыкан нелытым ӱмбачем нал, Кучен Ашныше да Яндар улметлан кӧра мыйым, сулыкем верч ӧкынышым, Шке дечет ит шӱкал.

2-шо муро

Ирмос: Колышт, пылпомыш, да каласем: Ӱдыр деч капым налше Христосым моктен мурем.

Серлаге мыйым, Юмо, серлаге.

Колышт, пылпомыш, мый увертарем. Сулыкем верч ӧкынымем да Юмым моктымо йӱкем колышт, мланде.

Серлаге мыйым, Юмо, серлаге.

Утарыше Юмем, чаманыше шинчат дене ўмбакем ончал да уло чон дене почын ойлымем ит шўкал.

Серлаге мыйым, Юмо, серлаге.

Чыла еҗ дечат утла сулыкым ыштенам, икте Тыйын ончылнет сулыкан улам; Утарышем, Юмо улметлан кўра Шке пўрыметым чамане.

Серлаге мыйым, Юмо, серлаге.

Сулыкан кумылшупшмашын осал тўсшў ўмбалнем, ракатым налаш шонымем дене ушемьын моторлыкшым йомдаренам.

Серлаге мыйым, Юмо, серлаге.

Чаманыше Господь, мыйым осал тўтан авырен, Петрым утарымет семынак мыланемат кидетым шуялте.

Серлаге мыйым, Юмо, серлаге.

Капем ден чонемьын вургемжым лавыртенам, Утарышем, Тыйын тўсет почеш ыштыме чурием пычкемышалтын.

Серлаге мыйым, Юмо, серлаге.

Чонемьын моторлыкшым сулыкан кумылшупшмашын шерыж дене лавыртенам, уло ушемьым пуракыш савыренам.

Серлаге мыйым, Юмо, серлаге.

Пўрышемьын тўналгыштак куэн пуымо икымше вургемем кушкедынам, сандене чара кием.

Серлаге мыйым, Юмо, серлаге.

Ондалыше кишкын ойжо почеш куэн пуымо кушкедлыше вургемьым чиенам да вожылам.

Серлаге мыйым, Юмо, серлаге.

Яжар ўдырамаш семьын мыят шортам, чаманен Утарыше, Шке порылыкет дене мыйым эрыкте.

Серлаге мыйым, Юмо, серлаге.

Олмапун моторлыкшым ужын, ушемым сымыстаренам, сандене чара кием да
вожылам.

Серлаге мыйым, Юмо, серлаге.

Сулыкан кумылшупшмашын озашт туп шенгелнем осалым ыштышт, законде
илымыштым ышт чарне.

Тау, Троицен: Тыйым, түсет дене Кумытлым, чылаштын Ик Юмым, Ачам,
Эргым да Святой Шүлышым, моктен мурем.

Кызыгат, Богородичен: Юмым Шочыктышо Яндар Ёдыр, Икте чылаштын
моктымо, мемнан утаралтшаш верч тыршен кумал.

3-шо муро

Ирмос: Христос Юмо, уш-акылем Шке күштымашетын тарваташ лийдыме кү
үмбаланже пенгыдемде.

Серлаге мыйым, Юмо, серлаге.

Господь деч тулан йүрым колтен, Содом мландым ожно Господь йүлалтен.

Серлаге мыйым, Юмо, серлаге.

Чонем, чын илыше Лот семын утаралташ манын, курыкыш курж да Сигор
олаш пураш вашке.

Серлаге мыйым, Юмо, серлаге.

Чонем, тул деч курж, йүлышö Содом деч курж, Юмын тулжо пытарыме деч
курж.

Серлаге мыйым, Юмо, серлаге.

Утарыше Христос, Тыйын ончылнет мый икте сулыкан улам, чылашт деч шуко
сулыкым ыштенам гынат, мыйым йөрдымылан ит шотло.

Серлаге мыйым, Юмо, серлаге.

Поро Күтүчö, Тый мыйым, йомшо шорыкым, кычал му да йөрдымылан ит
шотло.

Серлаге мыйым, Юмо, серлаге.

Шүм-чонлан ямле Иисус, Тый мыйын Пүрышем, Утарышем улат, Тый денет мый чыныш лукталтам.

Серлаге мыйым, Юмо, серлаге.

Утарышем, Тыланет чонем почам: мый сулыкым ыштенам, Тыйын ончылнет языкан улам. Чаманыше улметлан көра сулыкем кудалте, чонем луштаре.

Тау, Троицен: Кумытло улшо ик Юмо, мемнам чоян ондалыме, алгаштарыме да түрлө лүдыкшө деч утаре.

Кызыгат, Богородичен: Юмым шынгарыше көргө, куане; Господьын Престолжо, куане; мемнан илышнан Аваже, куане.

4-ше муро

Ирмос: Господь, Тыйын толшашет нерген пророк колын да лүдын. Ёдыр деч шочын, ен-влак деке толаш шоныметым пален, тыге каласен: Тыйын нерген колынам да лүдынам; Господь, Тыйын виетлан чап лийже.

Серлаге мыйым, Юмо, серлаге.

Чын Судия, Шке ыштыметым йордымылан ит шотло, Шке пүрыметым кудалтен ит кодо. Мый икте, айдеме семын, чыла ен дечат шуко сулыкым ыштенам, но Тый уло тунян Господышо да Айдемым йоратыше улат да сулыкым касараш властет уло.

Серлаге мыйым, Юмо, серлаге.

Лишемеш, чонем, мучаш лишемеш, а тый от ямдылалт, от шоно, вет жап күчыкемеш, кынел: Судия лишнак, омса воктенак; илыме жапна омо гай, пеледыш гай вашке эрта. Молан ме жапнам арам паша дене эртарена?

Серлаге мыйым, Юмо, серлаге.

Чонем, помыжалт, мом ыштымет нерген шонкале, шинча ончылнет нуным кучо, шинчавүдетым йоктарен, шке пашат ден шонымашетым Христослан лүдде поч да чыныш лукмо лий.

Серлаге мыйым, Юмо, серлаге.

Утарышем, илышыште тугай сулыкат, пашажат да осалжат нигунам лийын огыл, мом мый ушем да шомакем, шке кумылем дене, ой пуымем, шонымашем да пашам дене чылашт деч шуко ыштенам.

Серлаге мыйым, Юмо, серлаге.

Сандене мый, пиалдыме, титаканыш лектынам да шке совестем дене судитлыме улам, вет тудын деч чот йодшыжо тўняштыжат уке. Судия, Тўлен налшем, Тергышем, чамане, утаре мыйым, Шке кулетым.

Серлаге мыйым, Юмо, серлаге.

Патриарх-влак кокла гыч кугуракшын ожно ужмо тошкалтышыже паша да шонымаш дене нўлтаттым ончыкта. Чонем, тьят паша, уш-акыл да ужмаш дене илынет гын, уэм.

Серлаге мыйым, Юмо, серлаге.

Кок пелашым сулен налшаш верч патриарх кечывал шокшо ден йўдымсў йўштым чытен, кажне кечын кўтўм кўтен, пашам ыштен, служитлен, тыге тудо тыршен.

Серлаге мыйым, Юмо, серлаге.

Тудын кок пелашыже гоч пашам да ужмаш дене пуалтше уш-акылым умылыман: шуко шочшан Лия – тиде паша, а чот тыршен налме Рахиль уш-акылым ончыкта. Чонем, вет тыршымаш деч посна ны паша, ны умылен моштымаш ок воране.

Тау, Троицен: Кумытло улшо ик Юмо, Тыйым мый Мо улмет дене Шелаш лийдыме, Тўсет дене Ушналтдыме, пырля Кугыжаланыше да Престольшто пырля улшо Юмылан шотлем да Тыланет пылпомышысо полатлаште кум пачаш мурымо куатле мурым мурем.

Кызыгат, Богородичен: Тый шочыктет да Яндар Ёдырак кодат, нарашталыкет тугак аралатеш. Тый дечет Шочшо пўртўсын законжым уэмда, нарашта кўргў шочшым ышта. Кунам кўлеш, Юмо пўртўс радамым вашталта да мом шонымыжым ышта.

5-ше муро

Ирмос: Айдемым Йўратыше, Тыйым сўрвалем: эрдене эрак мыйым волгалтаре. Утарышем, мыйым Шке кўштымашет-шамычын корныж дене кошташ да Тыйын эрыкетым шукташ туныкто.

Серлаге мыйым, Юмо, серлаге.

Ильшем йўд пычкемыште эрта, сулькемын йўдшў мыланем пич пычкемыш да неле вудака лийын; Утарышем, Тый мыйым волгыдын шочшыжым ыште.

Серлаге мыйым, Юмо, серлаге.

Күшылсө Юмо ончылно мый, пиалдыме, Рувим семын осал да закондымо пашам ыштенам, тудо ачажын малыме вержым лавыртен, а мый – шкемыным.

Серлаге мыйым, Юмо, серлаге.

Христос Кугыжа, Тыланет почын ойлем: ожно Иосифым, яндарлыкын да нарашталыкын саскажым, ужалыше изашт-влак семын мый сулыкым, кугу сулыкым ыштенам.

Серлаге мыйым, Юмо, серлаге.

Господь нерген ончылгоч ончыктымо семын, яндар чоным, ачан йöратымыжым, изашт-влак кул шотеш ужаленыт, а тый, чонем, йöрдымö койышетлан көра шкендым шке пүтынек ужаленат.

Серлаге мыйым, Юмо, серлаге.

Шкендым кучен кертдыме пиалдыме чонем, тый яндар уш-акылан Иосиф семын чын илаш тырше: закондымо паша деч коран, ушдымо кумылшупшмаш дене ит лавырге.

Серлаге мыйым, Юмо, серлаге.

Кучен Ашныше Господь, Тыйын колымет да ылыж кынелметым ончылгоч ончыкташлан Иосиф вынемыш кудалтыме лийын. Тыйын лүмет верч тыгай нелытым мый иктаж-кунам чытем мо?

Тау, Троицен: Эн Святой Троице, Ик Юмо, Тыйым моктена: Святой, Святой, Святой улат Тый, Ача, Эрге да Святой Шүлыш – Тичмаш Улшо да курым-курымеш кумалме Икте.

Кызытат, Богородичен: Нарашта Яндар Ёдыр, пөръеным палыдыме Ава, сандалыкым пүрышö Юмо Тыйын гоч мыйын капемым да айдемын пүртүсшым Шкеж дене ушен.

6-шо муро

Ирмос: Чаманыше Юмым уло шүмем дене сөрвалышым, Тудо мыйым, тамык пундаште улшым, кольо да илышемым колен йоммаш гыч нөлтале.

Серлаге мыйым, Юмо, серлаге.

Утарышем, Тыланет яндар шинчавүдем ден шүмемын шортмыжым кондем да сөрвалем: Юмем, Тыйын ончылнет сулыкым ыштенам, мыйым эрыкте.

Серлаге мыйым, Юмо, серлаге.

Господь деч тый Дафан ден Авирон семын торленат. Чамане! манын, тамык пундаш гыч сөрвален кычкыре, чонем, да мланде поргем тыйым ынже левед.

Серлаге мыйым, Юмо, серлаге.

Чонем, тый үскырт туна гай, тый Ефрем гай лийынат; ушетым паша да ужмаш дене шулдыранде, вапш деч илышетым самырык пүчө семын утаре.

Серлаге мыйым, Юмо, серлаге.

Чонем, Моисейын проказе черан кидшым Юмо ошемден да эрыктен, тиде тыйымат пенгыдемдыже. Сулыкын черже дене черланенат гынат, илышетлан үшаным ит йомдаре.

Тау, Троицен: Ача, Эрге да Юмын Шүлыш ойла: Мый Троице улам, Тичмаш да Ойыраш лийдыме, Түс дене Ойыртемалтше, пүртүс дене ушналтше Икте.

Кызыгат, Богородичен: Юмым Шочыктышо Ёдыр, Тыйын көргет мемнан түсым налше Юмым шочыктен; Тудым, Чыла Пүрышым, сөрвале, да Тыйын кумалмет дене мыланна чыныш лекташ лийже.

Юмо, серлаге (3 гана). Тау, кызыгат:

Кондак, 6-шо сем:

Чонем, чонем, кынел, молан малет? Мучаш лишемеш, да тый өрмашыш пурет: Чыла вере улшо да чыла темыше Христос Юмо тыйым чаманыже манын, вашкерак помыжалт.

7-ше муро

Ирмос: Тыйын ончылнет сулыкым ыштенна, закондымын иленна, ондалкаленна, Тыйын күштымашет-влакым арален онал, шуктен онал, но Тый, ачана-шамычын Юмыжо, мемнам йөршешлан ит кодо.

Серлаге мыйым, Юмо, серлаге.

Сулыкым ыштенам, закондымын иленам, Тыйын күштымашетым шуктен омыл, шкеат сулыкеш иландарыме улам да котырышкеш сусырым ешаренам; ачана-шамычын поро шүман Юмыжо, мыйым чамане.

Серлаге мыйым, Юмо, серлаге.

Тыланет, Судиялан, шүмемын шолыпшым почым, Тый мыйын үнгышеммем уж, ойгемым ончал, нелыш логалмем умыло; ачана-шамычын поро шүман Юмыжо, мыйым чамане.

Серлаге мыйым, Юмо, серлаге.

Саул ожно ачажын оселжо-шамычым йомдарен, нунын нерген увер дене пырля вучыдымын кугыжанышым налмыж нерген колын; вольыкын гай кумылшупшмашым, чонем, тый Христосын Кугыжанышыже деч күшкө ит шынде.

Серлаге мыйым, Юмо, серлаге.

Ожно Давид ачана кок пачаш сулыкым ыштен: ег ватым йоратымаш умдо шүмжым сусырген, пуштмаш шүлыш чонжым авалтен; чонем, шке эрыкетым шуктымо дене тый шкежат нелын орланет.

Серлаге мыйым, Юмо, серлаге.

Давид ожно закондымо паша деке кугурак закондымылыкым ешарен, ег ватым йоратымаш деке айдемым пуштмашым ушен, но тидым вашке умылен да сулыкшо верч чот ойгырен шортын. А тый, осал чоялык дене темше чонем, кугу сулыкеш-влак верчат Юмо ончылно от окыно.

Серлаге мыйым, Юмо, серлаге.

Шке сулыкшо нерген Давид тунам раш сүрет гай мурым возен, шкенжым вурсен, тудо сөрвален: Эй Юмо, мыйым серлаге. Тыланет Иктылан, чылаштын Юмыжлан, осалым ыштенам, мыйым эрыкте.

Тау, Троицен: Тичмаш да Ойыраш лийдыме Троице, Иктак Улшо Ик Пүртүс, Волгыдо-влак да Волгыдо, Кум Святой да Ик Святой манын, Троице Юмо нерген мурат; чонем, тыят Ик Илышым да Илыш-влакым, чылаштын Юмыжым, мокто.

Кызыгат, Богородичен: Юмым Шочыктышо Ёдыр, Тыйым моктен мурена, суапландарена, Тыланет кумалына, вет Тый Ойыраш лийдыме Троицын Иктыжым, Христос Юмым, шочыктенат да мыланна, мландымбалне улшо-влаклан, Пылпомышым Шкеак почынат.

8-ше муро

Ирмос: Тудым пылпомышысо куат-влак моктат, Херувим ден Серафим-шамыч лудын шогат. Чыла чонан ден чыла пүрымыжө Тудым моктен мурыза, порын ойлыза да курым-курымеш чапландарыза.

Серлаге мыйым, Юмо, серлаге.

Утарышем, мыйым, сулыканым, чамане, ушемым чын корныш виктаре. Тыйын ончылнет сулыкым ыштенам, закондымын иленам. Сулыкем верч окынен сөрвалымым чаманен колышт да мыйым серлаге.

Серлаге мыйым, Юмо, серлаге.

Колеснице дене коштшо Илия ожно мландымбалысым чыла коден, поро пашажын орвашкыже шинчын да пылпомышыш нӧлталтын; чонем, тьят тыгай нӧлталтмаш нерген шоно.

Серлаге мыйым, Юмо, серлаге.

Илиан вургемже дене пырля Елисей ожно Юмо деч кугу порылыкым налын; чонем, чытымашет шагаллан кӧра тый тыгай порылыкклан йӧрен отыл.

Серлаге мыйым, Юмо, серлаге.

Елисей ожно Илиан вургемже дене Иордан вӱдым кок вельш шелын; чонем, чытымашет шагаллан кӧра тый тыгай порылыкклан йӧрен отыл.

Серлаге мыйым, Юмо, серлаге.

Чын илыше еным ожно соманит ӱдырамаш порын вашлийын. Чонем, тый шке пӧртышкет ны эртен кайышым, ны корныеным пуртен отыл. Сандене тыйым пайрем полат гыч луктын кудалтат, да тый шорташ тӱнгалат.

Серлаге мыйым, Юмо, серлаге.

Пиалдыме чонем, тый Гиезийын чангалыкше семын ыштенат, тудын оксам йӧратымыж деч кеч шонгеммекет коран; осал пашат деч корангын, геенысе тул дечын утло.

Тау, Троицен: Тӱнгалтышдыме Ача, Тӱнгалтышдыме Эрге, Поро Йывыртыктыше, Чын Шӱлыш, Юмо Шомакым Шочыктышо, Тӱнгалтышдыме Ачан Шомакше, Иландарыше да Пӱрен ыштыше Шӱлыш, Ик Троице, мыйым серлаге.

Кызытат, Богородичен: Эн Яндар Ӱдыр, уш-акылын чапле вургемже, Еммануилын капше, Тыйын кӧргыштет пурпур гыч куымо лийын, сандене ме Тыйым, Юмым чынак Шочыктышым, кугуэш ужна.

9-ше муро

Ирмос: Нӧшмӧ деч посна иланен шочмаш умылен керташ лийдыме, Юмын, Пелашдыме Ава деч курымашлык Саскан, шочмыжо пӱртӱсым уэмда. Сандене Тыйым, Юмын Ава лияш ойырен налме Ӱдырым, чыла тукумат чын ӱшанен мокта.

Серлаге мыйым, Юмо, серлаге.

Ушем котыраҥын, капем йогыш каен, шўлышем лушкен, шомакем вийдыме лийын, илышем лывыжген, мучаш омса воктенак. Пиалдыме чонем, Судия тыйым тергаш толеш гын, мом ынде ыштет?

Серлаге мыйым, Юмо, серлаге.

Чонем, мый тыланет тўня тўналтыш нерген Моисейын каласымыжым да Святой Возымаш гыч чын илыше да сулыкан еҥ-влак нерген почынам; чын огыл, а языкан-влак семын илен, тый Юмо ончылно титаканыш лектат.

Серлаге мыйым, Юмо, серлаге.

Закон лушкен, Евангелий почеш от иле, Святой Возымашым от шотло, чонем, пророк ден чын илыше-влакын шомакышт вийым йомдареныт; паремден кертше Эмлызе деч посна тыйын сусырет шукемын.

Серлаге мыйым, Юмо, серлаге.

Чонем, кумылет пушкыдемдаш У Сугыньышто возымым ончыктем; чын илыше-влак семын иле, сулыкан еҥ-влакын пашашт деч коран, кумалме да пўтö кучымо дене, яндар шонымаш да шкендым порын кучымо дене Христосым шке декет савыре.

Серлаге мыйым, Юмо, серлаге.

Христос айдеме капым налын да разбойник ден яжар ўдырамаш-шамычым сулык касарымашке ўжын; чонем, вет Кугыжанышын омсаже почылтын, тыйым ончылтен, тушко сулыкышт верч öкынышö фарисей ден мытарь да яжарын илыше-влак пурат.

Серлаге мыйым, Юмо, серлаге.

Айдеме капым налын, Христос мыйын капем ден чонем деке лишемын, айдеме пўртўслан мо пўралтын, чыла тидым Шке кумылын чытен, сулыкым веле ыштен огыл. Чонем, Тудо тыланет Шкенжын чаманымыжым ончыктен.

Серлаге мыйым, Юмо, серлаге.

Христос ушан шонгыен-влакым утарен, күтүчö-шамычым ўжын, шуко йочам мученик семын ончыктен, шонгыен ден шонго тулыквате-влакым чапландарен. Чонем, тый нунын пашашт да илышышт семын ыштен отыл, сандене суд годым кугу орлыкыш логалат.

Серлаге мыйым, Юмо, серлаге.

Господь ир мландыште нылле кече пўтым кучен, вара шужен, тыге айдеме улмыжым палдарен. Чонем, тый декет тушман ынже кержалт да йолет деч коранже манын, ит өркане, молитвам луд да пўтым кучо.

Тау, Троицен: Ачам моктена, Эргым чапландарена, Юмын Шўлышлан вуйнам ўшан дене савена, Ойыраш лийдыме Троицылан, Икте Улшылан, Волгыдо да Волгыдо-влаклан, Илышлан да Илыш-влаклан, уло сандалыклан илышым пуышо да волгалтарышылан.

Кызыгат, Богородичен: Юмым Шочыктышо Эн Яндар Ёдыр, Шке олатым арале. Тыйын аралтышет йымалне тудо ўшан дене кугыжалана, Тый дечет пенгыдылыкым налеш, Тый денет, Тыйын полшымет дене чыла алгаштарымым сенга, тушманым пленыш налеш да шыгыремдымаш деч утла.

Преподобный Андрей ачана, мемнан верч Юмым сөрвале.

Кугун пагалыме Андрей, чот поро пиалан ачана, Критын кўтўчыжө, тыйын нерген моктен мурышо-влак верч кумалметым ит чарне: да ме, тыйым ўшан дене шарныше-влак, чыла шыде да орлык деч, пытымаш да шотлен пытарыдыме сулыкна деч утлена.

Кугу Пўтын икымше арнясе кушкыжмын лудшаш

1-ше муру

Ирмос: Мыйын утаралтмашем, Полшышем да Аралышем – Тудо мыйын Юмем, Тудым моктем, Тудо мыйын ачамын Юмыжо, да Тудым нөлтем, чаплын вет чапландаралтын.

Припев: Серлаге мыйым, Юмо, серлаге.

Капемын илышыж верч тыршен, мый чонемым пуштшо лийынам, осал пашам дене шке кумылын тудым пытаренам да Каинын пуштмыж деч кугу сулыкым ыштенам.

Серлаге мыйым, Юмо, серлаге.

Иисус, мый Авель семын чын илен омыл, тудын семын Тыйын ончыкет ны сай пөлек ден Юмылан йөрышö пашам, ны яндар надыр ден сулыкдымо илышым нигунам конден омыл.

Серлаге мыйым, Юмо, серлаге.

Пиалдыме чонем, Пўрышылан ме тый денет осал паша ден йөрдымö надырым да шотдымо илышнам Каин семын конденна: тидланак судитлыме лийына.

Серлаге мыйым, Юмо, серлаге.

Чонгышо, Тый мыйым мланде пурак гыч иландарен, мыланем кап ден лулегым, шўлыш ден илышым пуэнат; Пўрышем, Утарышем да Судия, мыйым, сулык верч öкынышым, ит шўкал.

Серлаге мыйым, Юмо, серлаге.

Утарышем, Тыланет шке сулыкем да чонем ден капемын сусыржым почам, тудым көргыштем улшо осал шоньмаш-шамыч разбойник семын ыштеныт.

Серлаге мыйым, Юмо, серлаге.

Утарышем, мый сулыкым ыштенам, но палем, Айдемым Йöратыше улметлан көра Тый чаманен наказатлет, уло чон дене йöратет, енын шортмыжым ужат гын, ачан йомын коштшо эргыжым вашлийме семын вашкет.

Тау, Троицен: Курым-курымеш улшо Кумытло, Тыланет, ик Юмылан, кумалына. Мыйын үмбачем сулыкан нелытым коранде да Шке чаманьмет дене мыланем чон луштарыше шинчавүдым пу.

Кызытат, Богородичен: Юмым Шочыктышо Ёдыр, Тыланет мурьшо-влакын Ёшанышт да нунын верч Йодын шогышо, сулыкан нелытым үмбачем нал, Кучен Ашныше да Яндар улметлан көра мыйым, сулыкем верч öкынышым, Шке дечет ит шүкал.

2-шо муро

Ирмос: Колышт, пылпомыш, да каласем: Ёдыр деч капым налше Христосым моктен мурем.

Серлаге мыйым, Юмо, серлаге.

Юмын куымо вургемым мыйын үмбач сулык кудаш налын да коваште вургемым урген чиктен.

Серлаге мыйым, Юмо, серлаге.

Смоква лышташ дене авыралтме семын вожылмаш вургемым чиен, мый шке осал кумылшупшмашем почын ончыктенам.

Серлаге мыйым, Юмо, серлаге.

Мыйын чийыме вургемем йырнык кумылшупшмаш ден ракатым йöратыме илышын лавыраж дене вўран амыргыше да вожылтарыше.

Серлаге мыйым, Юмо, серлаге.

Осал кумылшупшмаш мыйым орландара, илышем пыта, тушман мыйым кызытат чоныш шукта.

Серлаге мыйым, Юмо, серлаге.

Утарышем, мый поро илышым огыл, а мландымбалне погым погымым да пояш төчымым йөрәтәнам, сандене мыйым кугу нелыт темда.

Серлаге мыйым, Юмо, серлаге.

Йырнык шонымашын түрлө түсан вургемже дене мый түжвал түсемым чевертышым да тидлан судитлыме лиям.

Серлаге мыйым, Юмо, серлаге.

Юмын түсшө почеш ыштыме көргө суртем верч огыл, а түжвал түсемын моторлыкшо верч веле тыршенам.

Серлаге мыйым, Юмо, серлаге.

Утарышем, Юмын пуымо түсын моторлыкшым, мый шке осал кумылшупшмашем дене тоенам. Тудым Тый йомшо драхме окса семын кычал му.

Серлаге мыйым, Юмо, серлаге.

Сулыкым ыштенам да яжар үдырамаш семын Тыйым сөрвалем: Утарышем, мый гына Тыйын ончылнет сулыкан улам, миро олмеш шинчавүдемем нал.

Серлаге мыйым, Юмо, серлаге.

Утарышем, йозак погышо мытарь семын мый Тыйым сөрвалем: эрыкте мыйым, яндареште, вет Адамын тукумжо гыч нигәат Тыйын ончылнет мыйын наре сулыкым ыштен огыл.

Тау, Троицен: Тыйым, түсет дене Кумытлым, чылаштын ик Юмым, Ачам, Эргым да Святой Шүлышым, моктен мурем.

Кызытат, Богородичен: Юмым Шочыктышо Яндар Үдыр, икте чылаштын моктымо, мемнан утаралтшаш верч тыршен кумал.

3-шо муру

Ирмос: Господь, мыйын тарваныше шүмемым Шке күштымашетын кү үмбаламже пенгыдемде, вет Тый Икте Святой да Господь улат.

Серлаге мыйым, Юмо, серлаге.

Колымашым Пытарыше, Тый мыланем илышын Памашыже улат, мучашке шумем деч ончыч уло шүмем дене Тыланет каласем: сулыкым ыштенам, мыйым эрыкте да утаре.

Серлаге мыйым, Юмо, серлаге.

Господь, мый сулыкым ыштенам, Тыйын ончылнет языкым ыштенам, мыйым эрыкте: вет ең-влак коклаште тугай сулыкан айдемат уке, кудым мый шкемын шуко сулыкем дене ончылтен омыл.

Серлаге мыйым, Юмо, серлаге.

Утарышем, мый Ной годсо яжарланыше ең-шамыч семын иленам, сандене нунын семынак ташлыше вүдеш пыташ судитлыме лиям.

Серлаге мыйым, Юмо, серлаге.

Чонем, тый ачажым шотлыдымо Хам семын ыштенат: чуриетым савырен, лишылетын чаражым петырен отыл.

Серлаге мыйым, Юмо, серлаге.

Чонем, йўлышö тул деч тый Лот семын курж, Содом ден Гоморрын сулыкшо деч курж, вольыкын гай кумылшупшмашын йўлалтыше тулжо деч курж.

Серлаге мыйым, Юмо, серлаге.

Кажныжлан пашаж семын пörтылташ манын, Суксо-влак дене пырля толмет годым серлаге мыйым, Господь, серлаге, Тыйым сөрвалем.

Тау, Троицен: Тичмаш Кумытло, Ыштыме огыл, Тўналтышдыме Улшо, Кум Тўсан улметым моктен мурымо, Тыйын куатетлан ўшан дене кумалше-влакым утаре.

Кызытат, Богородичен: Юмым Шочыктышо, Тый, пörьенгым палыде, Тўналтышдыме Ача деч шке жапыште Эргым ыштенат да, шörетым пукшен, Ёдырак кодынат, тиде кугу öрмаш.

4-ше муро

Ирмос: Господь, Тыйын толшашет нерген пророк колын да лўдын. Ёдыр деч шочын, ең-влак деке толаш шоныметым пален, тыге каласен: Тыйын нерген колынам да лўдынам; Господь, Тыйын виетлан чап лийже.

Серлаге мыйым, Юмо, серлаге.

Чонем, малыде шого, тыршымаш ден уш-акылым погаш манын, ожнысо патриарх-влак кокла гыч кугуракше гай пенгыде лий, тунам Юмым ужшо уш-акыл дене пойдаралтат, лишкат мяш лийдыме пычкемышыш ужмашет дене пурет да кугу поянлыкым налат.

Серлаге мыйым, Юмо, серлаге.

Чонем, патриарх-влак кокла гыч кугуракше латкок тукумлан патриархым шочыктен да тыланет кўзышаш тошкалтышым умылаш лийдымын пенгыдемден: эрге-влакшым негызлан кугу уш-акыл дене шогалтен, а шке йолтошкалтышыж дене кўзышаш корным ончыктен.

Серлаге мыйым, Юмо, серлаге.

Пиалдыме чонем, тый ужмышудымо Исав семын ыштенат, тыйым алгаштарышылан тўналтыш моторлыкетын чапшым пуэн, ачатын суапландарымыжым йомдаренат, пашат да уш-акылет дене тыге кок гана сулыкыш пуренат, ынде языкетым касараш сөрвале.

Серлаге мыйым, Юмо, серлаге.

Исавым ўдырамаш-шамычым йўратымыж верч Едом манын лўмденыт: шкенжым кучен кертде, капшым лавыртымыжлан кўра тудым «сулыкым йўратыше чонын йўлымыжў» маныныт.

Серлаге мыйым, Юмо, серлаге.

Чонем, тый шўйын орланыше да чыныш лукмо Иов нерген колынат, но тудын гай лўддымў лийын отыл, пеш чытамсыр улметлан кўра илышыште мом пален налмет, ужмет да чытен лекмет годым пенгыдылыкет лийын огыл.

Серлаге мыйым, Юмо, серлаге.

Ончыч престолышто шинчыше кызыт йора дене леведалтын да чараматын шўйын шинча; шуко шочшан да чапланыше енг вучыдымын йочадыме да сурт-печыдыме лийын: но шўйын шинчыме вержым тудо полат шотеш, а шўйшў йора-шамычшым шергакан кў шотеш ужын.

Тау, Троицен: Кумытло улшо ик Юмо, Тыйым мый Мо улмет дене Шелаш лийдыме, Тўсет дене Ушналтдыме, пырля Кугыжаланыше да Престолышто пырля улшо Юмылан шотлем да Тыланет пылпомышысо полатлаште кум пачаш мурымо куатле мурым мурем.

Кызыгат, Богородичен: Тый шочыктет да Яндар Ўдырак кодат, нарашталыкет тугак аралалтеш. Тый дечет Шочшо пўртўсын законжым уэмда, нарашта кўргў шочшым ышта. Кунам кўлеш, Юмо пўртўс радамым вашталта да мом шонымыжым ышта.

5-ше муро

Ирмос: Айдемым Йӧратыше, Тыйым сӧрвалем: эрдене эрак мыйым волгалтаре. Утарышем, мыйым Шке кӱштымашет-шамычын корныж дене кошташ да Тыйын эрыкетым шукташ туныкто.

Серлаге мыйым, Юмо, серлаге.

Чонем, тый колынат, кузе чапле полатыште кийыме семын Моисей комдышто киен, энер вӱд толкынышто ийын коштын да фараонын осал шонымашыж деч тыге утлен.

Серлаге мыйым, Юмо, серлаге.

Пиалдыме чонем, тый палет: павышка кува-шамыч ожно южгунам эрге азам, яндарлыкын саскажым, пуштыныт, а тый ынде Моисей семын кугу уш-акыл дене тем.

Серлаге мыйым, Юмо, серлаге.

Пиалдыме чонем, Моисейын египет еным пуштшыж семын тый шкендын кугешныше ушетым пуштын отыл, сандене шкендын уда кумылшупшмашет деч ир мландыш язык касарыме гоч кузе пурет?

Серлаге мыйым, Юмо, серлаге.

Моисей пророк ир мландыш илаш каен; чонем, йӱлыдымӧ вондериште Юмым ужнет гын, тьят тудын семын иле.

Серлаге мыйым, Юмо, серлаге.

Моисей пондыж дене тенгызым перен да пундашыжым пенгыдемден, тыге Юмын Ыресшым ончылгоч палдарен: чонем, ыресын полшымыж дене тьят куатле пашам ыштен кертат.

Серлаге мыйым, Юмо, серлаге.

Чонем, Юмылан Аарон яндар тулым конден; но Офни ден Финесс тыйын семынак Юмылан йӧрдымӧ да сулыкан илышыштым конденыт.

Тау, Троицен: Эн Святой Троице, Ик Юмо, Тыйым моктена: Святой, Святой, Святой улат Тый, Ача, Эрге да Святой Шӱлыш – тичмаш Улшо да курым-курымеш кумалме Икте.

Кызыгат, Богородичен: Нарашта Яндар Ёдыр, пӧръеным палыдыме Ава, сандалыкым пӱрышӧ Юмо Тыйын гоч мыйын капемым да айдемын пӱртӱсшым Шкеж дене ушен.

6-шо муро

Ирмос: Чаманыше Юмым уло шүмем дене сөрвалышым, Тудо мыйым, тамык пундаште улшым, кольо да илышемым колен йоммаш гыч нөлтале.

Серлаге мыйым, Юмо, серлаге.

Утарышем, Йошкар теңызыште египтян-влак ден нунын имнешкыштым вўд леведме семын мыйым вучыдымын шуко сулыкемын толкынжо леведыч.

Серлаге мыйым, Юмо, серлаге.

Чонем, тят Израиль гаяк шонен моштыдымо улат: Юмын пуымо манне олмеш, шонен шуде, сулыкан кумылшупшмашын шерыжым опкынланен кочмым ойырен налынат.

Серлаге мыйым, Юмо, серлаге.

Кү курыкысо памаш Юмын туныктымаш йогыным ате гыч велыме семын йоктарен луктеш. Чонем, тый тудым Хананей-влакын уда шонымашан тавыштлан вашталтенат.

Серлаге мыйым, Юмо, серлаге.

Пылпомышысо кочкышым шонен моштыдымо ең-влак ожно ир мландыште сөсна шыл, под да египетысе кочкышлан вашталтеныт. Чонем, тят нунын семын ыштенат.

Серлаге мыйым, Юмо, серлаге.

Утарышем, Тыйын Моисей кулет пондыж дене күм перен, тидын гоч Тыйын илышым пуышо өрдыжлуэтым ончылгоч ончыктен, тушеч ме чылан илыш вўдым йўына.

Серлаге мыйым, Юмо, серлаге.

Чонем, сөрымө мландын могай улмыжым тый Иисус Навин семын терген ончо да законным порын шуктымаш корно дене тушко пуро.

Тау, Троицен: Ача, Эрге да Юмын Шүлыш ойла: Мый Троице улам, Тичмаш да Ойыраш лийдыме, Түс дене Ойыртемалтше, пүртүс дене ушналтше Икте.

Кызытат, Богородичен: Юмым Шочыктышо Ўдыр, Тыйын көргет мемнан түсым налше Юмым шочыктен; Тудым, Чыла пүрышым, сөрвале, да Тыйын кумалмет дене мыланна чыныш лекташ лийже.

Юмо, серлаге (3 гана). Тау, кызыгат:

Кондак, 6-шо сем:

Чонем, чонем, кышел, молан малет? Мучаш лишемеш, да тый öрмашыш пурет: Чыла вере улшо да чыла темыше Христос Юмо тыйым чаманыже манын, вашкерак помыжалт.

7-ше муро

Ирмос: Тыйын ончылнет сулыкым ыштенна, закондымын иленна, ондалкаленна, Тыйын күштымашет-влакым арален онал, шуктен онал, но Тый, ачана-шамычын Юмыжо, мемнам йөршешлан ит кодо.

Серлаге мыйым, Юмо, серлаге.

Колеснице дене нангайыме годым үшкыж öрдыжкö савырнен да Зан ковчегым изиш веле тукен, тунамак Юмын шыдыжым пален налын; чонем тый Зан семын ит ыште, Юмын деке лүдын лишем.

Серлаге мыйым, Юмо, серлаге.

Авессалом нерген колынат да тудын осал пашажым палет вет, кузе тудо пүртүс радам ваштареш каен да Давид ачажын малыме вержым лавыртен; но тый, чонем, тудын ракатым йöратыше осал кумылшупшмашыже семын ыштенат.

Серлаге мыйым, Юмо, серлаге.

Чонем, эрыкан чапетым тый капет деч үлык шынденат, вес тушман Ахитофелым муын, тудын ойжо почеш иленат, но тыйым утараш манын, Христос Шкеак нунын ойыштым йөршын шалатен.

Серлаге мыйым, Юмо, серлаге.

Кугу уш-акылын порылыкшо дене темше öрыктарыше Соломон ожно Юмо ончылно уда пашам ыштымыж годым Юмо деч корангын; чонем, тыйын йöрдымö илышет тудын гаяк.

Серлаге мыйым, Юмо, серлаге.

Кугу уш-акыл дене илыше ең шке капшын кумылшупшмашыже почеш каен да яжар үдырамаш-шамычым йöратыме дене шкенжым лавыртен, тыге Юмо деч корангын; чонем, капын уда йодмыжым шуктен, ушет дене тыят тудын семынак ыштенат.

Серлаге мыйым, Юмо, серлаге.

Ачажын ойжым колыштдымо Ровоам гай да ожно ваштареш шогалше осал кул Иеровоам гай лийынат, чонем, нунын семын ыштыметым чарне да Юмым сөрвале: сулыкым ыштенам, мыйым чамане.

Тау, Троицен: Тичмаш да Ойыраш лийдыме Троице, Иктак Улшо Ик пүртүс, Волгыдо-влак да Волгыдо, Кум Святой да Ик Святой манын, Троице Юмо нерген мурат; чонем, тьят Ик Илышым да Илыш-влакым, чылаштын Юмыжым, мокто.

Кызыгат, Богородичен: Юмым Шочыктышо Ёдыр, Тыйым моктен мурена, суапландарена, Тыланет кумалына, вет Тый Ойыраш лийдыме Троицын Иктыжым, Христос Юмым, шочыктенат да мыланна, мландымбалне улшо-влаклан, Пылпомышым Шкеак почынат.

8-ше муро

Ирмос: Тудым пылпомышысо куат-влак моктат, Херувим ден Серафим-шамыч лүдын шогат. Чыла чонан ден чыла пүрымыжө Тудым моктен мурыза, порын ойлыза да курым-курумеш чапландарыза.

Серлаге мыйым, Юмо, серлаге.

Озий семын ыштен, тудын проказе чержым шкаланет кок пачаш шуко налынат: оккүлым шонет да закондымым ыштет; чонем, чыла тидым кодо да сулыкет верч öкынаш тўнал.

Серлаге мыйым, Юмо, серлаге.

Ниневитян-шамычын шүкшө вургемым чиеныт, вуйышкышт ломыжым шавен, шке сулыкышт верч Юмым сөрваленыт, чонем, тый тидын нерген колынат вет, молан нунын гай от ыште, а закон деч ончыч да тудын деч вара тшыше ен-влак коклаште эн ўскырт улат.

Серлаге мыйым, Юмо, серлаге.

Лавыран вынемыште Иеремийын шортмыжым колынат вет, чонем, кузе тудо Сион ола верч шинчавўдым йоктарен; тудын шортын илымыж семын иле да утаралтат.

Серлаге мыйым, Юмо, серлаге.

Ниневитян-шамыч шке сулыкышт верч Юмым сөрвалаш тўналыт, да Юмо нуным чамана манын, пророк Иона ончылгоч пален да Фарсисыш куржын: пророкла ойлымо ок шукталт манын, лүдын.

Серлаге мыйым, Юмо, серлаге.

Чонем, тый колынат, кузе вынемыште Даниил янлык-влакын умшаштым петырен, а Азарий дене пырля улшо рвезе-влак шке ўшанымашышт дене конгасе тулым йӱртеныт.

Серлаге мыйым, Юмо, серлаге.

Чонем, чын илыше еҥ-влак семын Юмылан йӱрышын ыште, а сулыкын ондалымыж деч коран манын, мый тыланет Тошто Сугынь гыч чылаштым примерлан конденам.

Тау, Троицен: Тўналтышдыме Ача, Тўналтышдыме Эрге, Поро Йывыртыктыше, Чын Шўлыш, Юмо Шомакым Шочыктышо, Тўналтышдыме Ачан Шомакше, Иландарыше да Пўрен ыштыше Шўлыш, Ик Троице, мыйым серлаге.

Кызытат, Богородичен: Эн Яндар Ёдыр, уш-акылын чапле вургемже, Еммануилын каше, Тыйын кӱргыштет пурпур гыч куымо лийын, сандене ме Тыйым, Юмым чынак Шочыктышым, кугуэш ужна.

9-ше муру

Ирмос: Нӱшмӱ деч посна иланен шочмаш умылен керташ лийдыме, Юмын, Пелашдыме Ава деч курымашлык Саскан, шочмыжо пўртўсым уэмда. Сандене Тыйым, Юмын Ава лияш ойырен налме Ёдырым, чыла тукымат чын ўшанен мокта.

Серлаге мыйым, Юмо, серлаге.

Христос алгаштарыме лийын, диавол алгаштарен: кўм ончыктен да тудым киндыш савыраш темлен; уло тўнян чыла кугыжанышыжым иканаште ужшо манын, Тудым курык ўмбаке кўзыктен; чонем, тьят ондалыме деч лўд, малыде шого да Юмым эре сӱрвалe.

Серлаге мыйым, Юмо, серлаге.

Ир мландым йӱратыше кӱгӱрченын кычкырыме йўкшӱ шоктен, Христосын светильникше сулык верч ӱкынаш ўжын, а Ирод закондымын Иродиада дене илен. Чонем, сулык верч ӱкынымашым йӱрате, да закондымо-влакын вапшышкышт от логал.

Серлаге мыйым, Юмо, серлаге.

Порылыкын Предтечыже ир мландыш илаш куснен, тидым колын, уло Иудей ден Самарий тудын деке сулыкыштым касараш каеныт, да чылан тынеш пураш тыршеныт: чонем, а тыйже тыге ыштен отыл.

Серлаге мыйым, Юмо, серлаге.

Чонем, тыланет вашталташ манын, Христос эше ондакак, Кана олаште сұаныште кочмыж годым, вұдым йошкар аракаш савырен, тыге икымше чудым ыштен, яндар еш илышым да вате-марийын сулыкдымо вакшышыштым благословитлен.

Серлаге мыйым, Юмо, серлаге.

Йыжындыме еным Христос йол ўмбақ шогалтен, да тудо шке вакшышыжым налын каен; тулык ватын колышо эргыжым ылыжтен кынелтен; шўдывуйын тарзыжым паремден; самарий ўдырамашлан Шкенжын Кў улмыжым почын да Юмын Шўлышлан уло чон дене кузе служитлаш кўлмым тыланет, чонем, ончыктен.

Серлаге мыйым, Юмо, серлаге.

Пиалдыме чонем, тьят утаралт манын, вўр йоген орланыше ўдырамашым Господь Шке вургем тўрышкыжў тўкнымў дене паремден, проказе черан-влакым эрыктен, сокыр да чолак, сонгыра да ойлен кертдыме-влакым, тыгак пўгыр ўдырамашым Шке мутшо дене паремден.

Тау, Троицен: Ачам моктена, Эргым чапландарена, Юмын Шўлышлан вуйнам ўшан дене савена, Ойыраш лийдыме Троицылан, Икте Улшылан, Волгыдо да Волгыдо-влаклан, Илышлан да Илыш-влаклан, уло сандалыклан илышым пуышо да волгалтарышылан.

Кызыгат, Богородичен: Юмым Шочыктышо Эн Яндар Ўдыр, Шке олатым арале. Тыйын аралтышет йымалне тудо ўшан дене кугыжалана, Тый дечет пентгыдылыкым налеш, Тый денет, Тыйын полшымет дене чыла алгаштарымашым сенга, тушманым пленыш налеш да шыгыремдымаш деч утла.

Преподобный Андрей ачана, мемнан верч Юмым сўрвале.

Кугун пагалыме Андрей, чот поро пиалан ачана, Критын кўтўчыжў, тыйын нерген моктен мурышо-влак верч кумалметым ит чарне: да ме, тыйым ўшан дене шарныше-влак, чыла шыде да орлык деч, пытымаш да шотлен пытарыдыме сулыкна деч утлена.

Кугу Пүтын икымше арнясе вүргечын лудшаш

1-ше муро

Ирмос: Мыйын утаралтмашем, Полшышем да Аралышем – Тудо мыйын Юмем, Тудым моктем, Тудо мыйын ачамын Юмыжо, да Тудым нөлтем, чаплын вет чапландаралтын.

Припев: Серлаге мыйым, Юмо, серлаге.

Христос Юмо, Тыйын күштымашетым самырыкем годсекак шуктен омыл, уда кумылшупшмаш почеш каен, илышемым шоныде да шотдымын эртаренам. Утарышем, Тыйым сөрвалем: кеч колаш шумем годым мыйым утаре.

Серлаге мыйым, Юмо, серлаге.

Утарышем, мый Тыйын капкат ончылно сукен возын кием, шкемым кучен кертдымем верч мыйым, йөрдымым, шонгеммекем тамыкыш ит шўкал. Айдемым Йоратыше, кеч мучашыш шумем деч ончыч мыланем сулык касарымашым пу.

Серлаге мыйым, Юмо, серлаге.

Утарышем, мый яжарланен иленам да шке поянлыкем шалатен пытаренам, поро койыш-шоктышан саскам йөршын уке, шужен орланен, Тыйым сөрвалем: Чаманыше шўман Ача, вашке тол да мыйым чамане.

Серлаге мыйым, Юмо, серлаге.

Шонымашем дене разбойник гай лийын, чылт эмганен пытенам да сусыр дене темынам. Христос Утарышем, тол да мыйым паремде.

Серлаге мыйым, Юмо, серлаге.

Мыйым ужын, священник эртен каен, чаранше сусырем ончалын, левит йырнен. Мариян көргыж гыч волгалтше Иисус, тол да мыйым чамане.

Юмылан йөршө Мария авана, мемнан верч Юмым сөрвале.

Юмын эрыкше дене тыланет кўшыч колтымо волгыдо порылыкым мыланемат пу. Осал кумылшупшмашын пычкемышыж деч утлен, тыйын илышетын подвигшым моктен мураш лийже.

Тау, Троицен: Курым-курымеш улшо Кумытло, Тыланет, ик Юмылан, кумалына. Мыйын ўмбачем сулыкан нелытым коранде да Шке чаманымет дене мыланем чон луштарыше шинчавўдым пу.

Кызыгат, Богородичен: Юмым Шочыктышо Ёдыр, Тыланет мурышо-влакын Ёшанышт да нунын верч Йодын шогышо, сулыкан нелытым ўмбачем нал, Кучен Ашныше да Яндар улметлан көра мыйым, сулыкем верч өкынышым, Шке дечет ит шўкал.

2-шо муро

Ирмос: Колышт, пылпомыш, да каласем: Ёдыр деч капым налше Христосым моктен мурем.

Серлаге мыйым, Юмо, серлаге.

Шкемым кучен кертде илен, Давид семын яжарланыме сулыкыш камвозынам да лавыргенам. Утарышем, мыйым ынде шинчавўдем дене муш.

Серлаге мыйым, Юмо, серлаге.

Шинчавүдемат, сулык верч өкынымемат, чон пушкыдылыкемат уке. Утарыше Юмо, Шкеак мыланем чыла тидым пу.

Серлаге мыйым, Юмо, серлаге.

Юмын пубымо моторлыкым да порылыкым йомдаренам, ынде чара кием да вожылам.

Серлаге мыйым, Юмо, серлаге.

Господь, мыйын ончылнем омсатым ит петыре. Господь, мыланем, Тыйын ончылнет сулыкшо верч өкынышылан, тудым поч.

Серлаге мыйым, Юмо, серлаге.

Чонемын корштымыжым пале, Утарышем, шинчавүд йогынем нал да мыйым утаре.

Серлаге мыйым, Юмо, серлаге.

Айдемым йөратыше да чыла ең утаралтше манын тыршыше, поро улметлан көра Тый мыйымат ўж да сулыкем верч өкынымем годым Шке дечет ит шўкал.

Юмым Шочыктышо Эн Святой Ёдыр, мемнам утаре.

Юмым Шочыктышо Эн Яндар Ёдыр, Икте Моктен мурымо, мемнан утаралтшаш верч чот кумал.

Вес Ирмос: Ончыза да пален лийза: Мый Юмо улам, ожно ир мландыште Мыйын калыкемлан Шке кидем да Шке куатем дене манным йўр гай йоктаренам да кў гыч вўдым луктынам.

Серлаге мыйым, Юмо, серлаге.

Чонем, Господын «Ончыза да пален лийза: Мый Юмо улам» манмыжым кол, чын судитлыше Юмо деч лўд да ончычсо сулыкет деч коранг.

Серлаге мыйым, Юмо, серлаге.

Шуко сулыкан чонем, кўн гай ынде лийынат? Ожно Каин ден Ламех капыштым осал паша дене кўэмденыт, ушыштым осал шонымаш дене теменыт, тый тыгаяк лийын отыл мо?

Серлаге мыйым, Юмо, серлаге.

Чонем, тый Тошто Сугынь годым илыше Сиф ден Еносым палет, но нунын гай лийын отыл, кавашке илышымак налме Енох да Ной семынат чын илен отыл, ынде нунын илымышт деч корандыме улат.

Серлаге мыйым, Юмо, серлаге.

Чонем, Юмын шыдыжын пундашдыме келгытшым тый шкеак почынат да, мландым вўд леведме семын уло капетым, пашатым, илышетым йомдарен, утарыше ковчег деч посна кодынат.

Юмылан йорышö Мария авана, мемнан верч Юмым сөрвале.

Ончычсо сулыкан илышет деч корангын, тый Христос деке йоратен толынат, ир мландыште шкетын илен, Юмын кўштymашыжым яндарын шуктенат.

Тау, Троицен: Тўнгалтышдыме, Ыштыдыме Троице, Шелаш лийдыме Икте, сулыкем верч öкынымем годым ит шўкал, сулыкым ыштенам гынат, утаре, вет Тыйын пўрымет улам, йордымылан ит шотло, мыйым чамане да тамык туллан судитлыме деч утаре.

Кызытат, Богородичен: Кучен Ашныше да Юмым Шочыктышо Яндар Ёдыр, Тый декет толшо-влакын Ёшанышт, тўтаныш логалше-влакын ўшык верышт, мыйым чаманыже манын, Шке Эргычым, Чаманыше Пўрышым, сөрвале.

3-шо муро

Ирмос: Господь, мыйын тарваныше шўмемым Шке кўштymашетын кў ўмбаланже пенгыдемде, вет Тый Икте Святой да Господь улат.

Серлаге мыйым, Юмо, серлаге.

Пиалдыме чонем, тый Сим гай суапландарыме отыл, Иафет семын сöрымö кугу кумдык мландым, сулык касарымашым, налын отыл.

Серлаге мыйым, Юмо, серлаге.

Чонем, сулык деч, Харран мланде деч, коранг да чылаштлан курымаш илышым пуышо мландыш, Авраамын мландышкыже, кае.

Серлаге мыйым, Юмо, серлаге.

Чонем, тый колынат: ожно Авраам шочмо мландыжым коден да кусныл коштшо лийын, ынде тьят тудын гай лўддымö лий.

Серлаге мыйым, Юмо, серлаге.

Мамре тумо воктене Суксо-влакым сийлен, ожно сӧрымым патриарх шонггеммекеже налын.

Серлаге мыйым, Юмо, серлаге.

Пиалдыме чонем, мо лийшашым палдарен, Господьлан йӱлалтен пуаш Исаакым у надыр шотеш кондымо нерген пален, тыят тудын гай лӱддымӧ лий.

Серлаге мыйым, Юмо, серлаге.

Исмаилым, кул ӱдырамашын эргыжым, поктен колтымо нерген тый колынат, чонем. Ракатым йӧратымет верч тыланетат тыге ынже лий ыле.

Юмылан йӧрышӧ Мария авана, мемнан верч Юмым сӧрвалем.

Сулыкемын тӱтанже ден толкынжо мыйым авырат. Мария авана, тый мыйым шке утаре да сулык верч ӧкынымӧ кӱкшытыш нӧлтал.

Юмылан йӧрышӧ Мария авана, мемнан верч Юмым сӧрвалем.

Юмылан йӧрышӧ авана, мыйын тыршен сӧрвалымом Юмым Шочыктышо деке шке кумалмет дене намие да Юмын омсажым мыланемат поч.

Тау, Троицен: Тичмаш Кумытло, Ыштыме огыл, Тӱнгалтышдыме Улшо, Кум Тӱсан улметым моктен мурымо, Тыйын куатетлан ӱшан дене кумалше-влакым утаре.

Кызытат, Богородичен: Юмым Шочыктышо, Тый, пӧръеным палыде, Тӱнгалтышдыме Ача деч шке жапыште Эргым ыштенат да, шӧретым пукшен, Ӱдырак кодынат, тиде кугу ӧрмаш.

4-ше муро

Ирмос: Господь, Тыйын толшашет нерген пророк колын да лӱдын, Ӱдыр деч шочын, ен-влак деке толаш шоныметым пален, тыге каласен: Тыйын нерген колынам да лӱдынам; Господь, Тыйын виетлан чап лийже.

Серлаге мыйым, Юмо, серлаге.

Капем лавыртенам, шӱлышем амыртенам, чылт котыраҥ пытенам. Утарышем, паремдыше Христос, сулыкем верч ӧкынымемлан кӧра капем ден шӱлышем эмле, муш, эрыкте да мыйым лум дечат ошым ыште.

Серлаге мыйым, Юмо, серлаге.

Тый, Шомак, чылашт верч надыр шотеш Ыресеш Шке Капет ден Вүретым конденат: мыйым уэмдаш манын, Капетым, мыйым мушкаш – Вүретым. Шке Ачат деке мыйым намяш манын, Шке Шүлышетым пуэнат.

Серлаге мыйым, Юмо, серлаге.

Чот Чаманыше, Тый мланде покшелне утарымашым ыштенат, да утаралтына. Ыресеш Шке кумылын пудалалтынат, да петырыме Едем почылтын, Тыйын утарыме чыла калык, пылпомышысо да мландымбалысе-влак, Тыланет вуйым сават.

Серлаге мыйым, Юмо, серлаге.

Юмын Шомак, Тыйын өрдыжет гыч лекше Вүр мыланем эрналташ да язык касарашлан йўыш лийже, тудым йўын да шүрен мый эрналтам. Тыйын Илышым пуышо шомакет мыланем үй да йўыш лийже.

Серлаге мыйым, Юмо, серлаге.

Утарышына, Тыйын илышым пуышо өрдыжет Черкылан Чаше лийын, тушеч мыланна сулык касарымаш ден уш-акылын йогынжо лектыт да Тошто ден У Сугынын кок шөрынжым ончыктат.

Серлаге мыйым, Юмо, серлаге.

Мый сўан полат деч, сўан пайрем ден кас кочкыш деч посна кодынам; үй укелан көра лампемат йөрен, мален кийымом годым полат омса петырналтын да кас кочкышат эртен, кидем ден йолемым кылден, мыйым тўжваке луктын кудалтеныт.

Тау, Троицен: Кумытло улшо ик Юмо, Тыйым мый Мо улмет дене Шелаш лийдыме, Түсет дене Ушналтдыме, пырля Кугыжаланыше да Престольшто пырля улшо Юмылан шотлем да Тыланет пылпомышысо полатлаште кум пачаш мурымо куатле мурым мурем.

Кызытат, Богородичен: Тый шочыктет да Яндар Ёдырак кодат, нарашталыкет тугак аралалтеш. Тый дечет Шочшо пүртүсын законжым уэмда, нарашта көргө шочшым ышта. Кунам күлеш, Юмо пүртүс радамым вашталта да мом шонымыжым ышта.

5-ше муро

Ирмос: Айдемым Йöратыше, Тыйым сөрвалем: эрдене эрак мыйым волгалгаре. Утарышем, мыйым Шке күштымашет-шамычын корныж дене кошташ да Тыйын эрыкетым шукташ туныкто.

Серлаге мыйым, Юмо, серлаге.

Кучен Ашныше, мый койыш-шоктышем да ушем дене ўскырт фараон гай, а чонем да капем дене Ианний ден Иамврий гай улам, но Тый мыланем полшо.

Серлаге мыйым, Юмо, серлаге.

Мый, пиалдыме, шке ушем лавыраш варенам. Кучен Ашныше, Тыйым сөрвалем: шинчавүд йогынем дене мыйым муш да капемын вургемжым лум гай ошым ыште.

Серлаге мыйым, Юмо, серлаге.

Утарышем, мый шке илышем шергал лектам гын, ужам: шуко сулыкем дене чыла еным ончылтенам, вет сулыкшым палыде огыл, а паленак ыштенам.

Серлаге мыйым, Юмо, серлаге.

Господь, чамане, Шке пұрыметым чамане, мыйым сулыкем деч луштаре, вет Тый Икте яндар улат, пұртүс пуымо почеш Тый дечет весе нигө яндар уке.

Серлаге мыйым, Юмо, серлаге.

Утарышем, Юмо улмо ўмбач мыланем верч Тый айдеме тўсым налынат да өрыктарыше пашам ыштенам: проказе чераным эрыктенам, йыжындымым пенгыдемденат, вўр йогышан ўдырамаш вургемет деке тўкнымө дене паремын.

Юмылан йөрышө Мария авана, мемнан верч Юмым сөрвале.

Юмылан йөрышө авана, Иордан вүдйогыным вончен, чын лыпланымашым муынат да капын ажгынымыж деч корангынат. Тидын деч ынде мемнамат шке кумалмет дене коранде.

Тау, Троицен: Эн Святой Троице, Ик Юмо, Тыйым моктена: Святой, Святой, Святой улат Тый, Ача, Эрге да Святой Шўлыш – тичмаш Улшо да курым-курымеш кумалме Икте.

Кызыгат, Богородичен: Нарашта Яндар Ўдыр, пөръеным палыдыме Ава, сандалыкым пұрышө Юмо Тыйын гоч мыйын капемым да айдемын пұртүсшым Шкеж дене ушен.

6-шо муро

Ирмос: Чаманыше Юмым уло шўмем дене сөрвалышым, Тудо мыйым, тамык пундаште улшым, кольо да илышемым колен йоммаш гыч нөлтале.

Серлаге мыйым, Юмо, серлаге.

Кынел да, Иисус кузе Амаликым сенен, тьят кап ден чонын уда кумылшупшмашыштым да гаваонитян-шамыч гай алгаштарыше уда шонымаш-влакым эре сенге.

Серлаге мыйым, Юмо, серлаге.

Чонем, Юмо тыге кўшта: ожно ковчегын Иорданым вончымыж семын тьят жаплан пуымо илышым эрте да Юмын сōрымō мландыш пуро.

Серлаге мыйым, Юмо, серлаге.

Утарышем, полшаш ўжын кычкырыше Петрым утарымет семын мыйымат осал янлык деч утараш вашке, Шке кидетым шуялтен, сулыкын келгытше гыч лук.

Серлаге мыйым, Юмо, серлаге.

Кучен Ашныше, Кучен Ашныше Христос, Тый мыланем толын пурымо шып вер улат. Сулыкын вончен керташ лийдыме келгытше да ўшаным йомдарыме деч мыйым утараш вашке.

Тау, Троицен: Ача, Эрге да Юмын Шўлыш ойла: Мый Троице улам, Тичмаш да Ойыраш лийдыме, Тўс дене Ойыртемалтше, пўртўс дене ушналтше Икте.

Кызытат, Богородичен: Юмым Шочыктышо Ёдыр, Тыйын кōргет мемнан тўсым налше Юмым шочыктен; Тудым, Чыла пўрышым, сōрвале, да Тыйын кумалмет дене мыланна чыныш лекташ лийже.

Юмо, серлаге (3 гана). Тау, кызытат:

Кондак, 6-шо сем:

Чонем, чонем, кынел, молан малет? Мучаш лишемеш, да тый ормашыш пурет: Чыла вере улшо да чыла темыше Христос Юмо тыйым чаманыже манын, вашкерак помыжалт.

7-ше муро

Ирмос: Тыйын ончылнет сулыкым ыштенна, закондымын иленна, ондалкаленна, Тыйын кўштымашет-влакым арален онал, шуктен онал, но Тый, ачана-шамычын Юмыжо, мемнам йōршешлан ит кодо.

Серлаге мыйым, Юмо, серлаге.

Чонем, тый уда кумылшупшмашым йырнык идогыш савыренат, тидым Манассий семын шке кумылын шуктен, Юмын шыдыжым шукемденат. Сулыкет верч ынде Манассий гаяк чот öкынö да чаманымаш шинчавудым лук.

Серлаге мыйым, Юмо, серлаге.

Чонем, Ахавын йырнык пашажым шуен, тый капын лавыражым погымо вер да уда кумылшупшмашын атыже лийынат, ынде келгын шүлалте да языкет нерген Юмылан каласе.

Серлаге мыйым, Юмо, серлаге.

Чонем, ожно пророк Илия Фесвитянинын мутшым колыштдымо Ахав семынак тыланетат кава петырналтын да Юмо шужымашым колтен. Но тый Сарептысе тулык вате гай лий да пророкын чонжым теме.

Серлаге мыйым, Юмо, серлаге.

Ахавын шояжым почаш манын, Илия тунам Иезавельын шүдö служительжым йүлалтен, шояк пророкшо-влакым пытарен. Чонем, тый нунын гай ит лий да пенгыдем.

Тау, Троицен: Тичмаш да Ойыраш лийдыме Троице, Иктак Улшо Ик Пүртүс, Волгыдо-влак да Волгыдо, Кум Святой да Ик Святой манын, Троице Юмо нерген мурат; чонем, тьят Ик Илышым да Илыш-влакым, чылаштын Юмыжым, мокто.

Кызытат, Богородичен: Юмым Шочыктышо Ёдыр, Тыйым моктен мурена, суапландарена, Тыланет кумалына, вет Тый Ойыраш лийдыме Троицын Иктыжым, Христос Юмым, шочыктенат да мыланна, мландымбалне улшо-влаклан, Пылпомышым Шкеак почынат.

8-ше муро

Ирмос: Тудым пылпомышысо куат-влак моктат, Херувим ден Серафим-шамыч лүдын шогат. Чыла чонан ден чыла пүрымыжö Тудым моктен мурыза, порын ойлыза да курым-курымеш чапландарыза.

Серлаге мыйым, Юмо, серлаге.

Чын судитлыше Утарыше, мыйым чамане да судыштет мыланем вочшаш тул да лүдыкшö деч утаре. Мучашыш шумем деч ончыч мыланем порылыкым да сулык верч öкынымашым пу.

Серлаге мыйым, Юмо, серлаге.

Утарышем, мый разбойник семын Тыйым сөрвалем: шарналте мыйым; Петр гай öкынен шортам; мытарь гай ўжам да яжар ўдырамаш семын шинчавўдым йоктарем; хананей ўдырамашым чаманымет семын мыйынат чот шортмем ит шўкал.

Серлаге мыйым, Юмо, серлаге.

Утарышем, мыйын ўнтышö чонемын шўйшыжым паремде. Тый мыланем Икте Эмлызе улат, сулык верч öкынымем да сөрвален шортмем эмлыше ластык, елей да йошкар арака семын лийже.

Серлаге мыйым, Юмо, серлаге.

Давид Эрге, мыйым чамане манын, хананей ўдырамаш гай сөрвалем; вўр йогышан ўдырамаш семын Тыйын вургем урвалтышкет тўкнем; Лазарь изашт верч Марфа ден Мариян шортмышт гай шортам.

Тау, Троицен: Тўнгалтышдыме Ача, Тўнгалтышдыме Эрге, Поро Йывыртктыше, Чын Шўлыш, Юмо Шомакым Шочыктышо, Тўнгалтышдыме Ачан Шомакше, Иландарыше да Пўрен ыштыше Шўлыш, Ик Троице, мыйым серлаге.

Кызыгат, Богородичен: Эн Яндар Ўдыр, уш-акылын чапле вургемже, Еммануилын капше, Тыйын кöргыштет пурпур гыч куымо лийын, сандене ме Тыйым, Юмым чынак Шочыктышым, кугуэш ужна.

9-ше муро

Ирмос: Нöшмö деч посна иланен шочмаш умылен керташ лийдыме, Юмын, Пелашдыме Ава деч курымашлык Саскан, шочмыжо пўртўсым уэмда. Сандене Тыйым, Юмын Ава лияш ойырен налме Ўдырым, чыла тукумат чын ўшанен мокта.

Серлаге мыйым, Юмо, серлаге.

Христос Шомак, Тый черлым эмлен, йорлылан поро уверым ойлен, чолакым паремден, мытарь дене пырля кочкын, сулыкан-шамыч дене мутланен иленат; кидет дене тўкнен, Иаирын ўдыржын кап гыч лекше чонжым пöртылтенат.

Серлаге мыйым, Юмо, серлаге.

Мытарь утаралтын, яжар ўдырамаш яндарын илаш тўнгалын, а кугешныше фарисей судитлыме лийын. Вет иктыже: «Мыйым эрыкте»; весыже: «Мыйым серлаге» манын; а тидыже: «Юмо, тыланет таум ыштем» манын, койышланен моктанен да моло ушдымо шомакым ойлен.

Серлаге мыйым, Юмо, серлаге.

Закхей мытарь лийын гынат, сулыкым кудалташ властьше улшо тудым утарен, а фарисей Симон кокыте шонымыж дене алгаштаралтын, яжар ўдырамаш сулык касарымашым тичмашын налын. Чонем, сулыкет верч тят тудын гай чот шорт.

Серлаге мыйым, Юмо, серлаге.

Пиалдыме чонем, тый яжар ўдырамаш семын ыштен отыл. Тудо алавастр атеш тамле пушан миром конден, шортын-шортын, Утарышын йолжым шўрен да шке ўпшў дене ўштын, сандене тудын чыла сулыкшым возымо ўштылалтын.

Серлаге мыйым, Юмо, серлаге.

Христосын Поро увержым налше, но ўшаныдыме ола-влакын каргыме улмыштым тый палет, чонем. Кучен Ашныше нуным содомлян-шамыч дене икгайлан шотлен да тамыклан судитлен. Шеклане, тят нунын гай ит лий.

Серлаге мыйым, Юмо, серлаге.

Ўшаным йомдарымет дене кугурак йонылышым ит ыште, чонем. Хананей ўдырамашын ўшанымашыж нерген колынат вет. Тудын ўдыржў Юмын шомакше дене паремын. «Давид Эрге, мыйым утаре» манын, тят тудын семын сўрвале.

Тау, Троицен: Ачам моктена, Эргым чапландарена, Юмын Шўлышлан вуйнам ўшан дене савена, Ойыраш лийдыме Троицылан, Икте Улшылан, Волгыдо да Волгыдо-влаклан, Илышлан да Илыш-влаклан, уло сандалыклан илышым пуышо да волгалтарышылан.

Кызыгат, Богородичен: Юмым Шочыктышо Эн Яндар Ўдыр, Шке олатым арале. Тыйын аралтышет йымалне тудо ўшан дене кугыжалана, Тый дечет пенгыдылыкым налеш, Тый денет, Тыйын полшымет дене чыла алгаштарымашым сенга, тушманым пленыш налеш да шыгыремдымаш деч утла.

Преподобный Андрей ачана, мемнан верч Юмым сўрвале.

Кугун пагалыме Андрей, чот поро пиалан ачана, Критын кўтўчыжў, тыйын нерген моктен мурышо-влак верч кумалметым ит чарне: да ме, тыйым ўшан дене шарныше-влак, чыла шыде да орлык деч, пытымаш да шотлен пытарыдыме сулыкна деч утлена.

Кугу Пүтын икымше арнясе изарнян лудшаш

1-ше муро

Ирмос: Мыйын утаралтмашем, Полшышем да Аралышем – Тудо мыйын Юмем, Тудым моктем, Тудо мыйын ачамын Юмыжо, да Тудым нолтем, чаплын вет чапландаралтын.

Припев: Серлаге мыйым, Юмо, серлаге.

Чылаштын языкыштым Шке ўмбакет налше Юмын Пача, мыйын сулыкан нелытем ўмбачем коранде да Чаманыше улметлан көра мыланем чон луштарыше шинчавўдым пу.

Серлаге мыйым, Юмо, серлаге.

Иисус, Тыйым сөрвалаш сукалтем, Тыйын ончылнет языкым ыштенам, эрыкте мыйым, сулыкан нелытем ўмбачем коранде да Чаманыше улметлан көра мыланем чон луштарыше шинчавўдым пу.

Серлаге мыйым, Юмо, серлаге.

Ильшемем тергыме, шомакемым шымлыме, чон шупшмемым төрлымө годым мый денем судыш ит пуру. Чыла кертше, Тыйын порылыкет мыйын осалемым сенгыже, да мыйым утаре.

Серлаге мыйым, Юмо, серлаге.

Сулык верч өкынымө жап шуын, Пүрышем, Тый декет толам: сулыкан нелытем үмбачем коранге да Чаманыше улметлан көра мыланем чон луштарыше шинчавүдым пу.

Серлаге мыйым, Юмо, серлаге.

Сулыкемлан көра шүм-чон поянлыкем йомдаренам, порылыкын саскаж деч посна кодынам, ынде шужышо гай кычкырем: чаманымашын тўналтышыже, Господь, мыйым утаре.

Юмылан йөрышө Мария авана, мемнан верч Юмым сөрвале.

Христос Юмын законжо почеш илаш тўналын, тый сорлыклаш лийдыме кумылшупшмашын шерыжым коденат да чыла порылыкым чон пырткен шуктенат.

Тау, Троицен: Курым-курымеш улшо Кумытло, Тыланет, ик Юмылан, кумалына. Мыйын үмбачем сулыкан нелытым коранге да Шке чаманымет дене мыланем чон луштарыше шинчавүдым пу.

Кызытат, Богородичен: Юмым Шочыктышо Ёдыр, Тыланет мурышо-влакын Ёшанышт да нунын верч Йодын шогышо, сулыкан нелытым үмбачем нал, Кучен Ашныше да Яндар улметлан көра мыйым, сулыкем верч өкынышым, Шке дечет ит шўкал.

2-шо муро

Вес Ирмос: Ончыза да пален лийза: Мый Юмо улам, ожно ир мландыште Мыйын калыкемлан Шке кидем да Шке куатем дене манным йёр гай йоктаренам да кў гыч вүдым луктынам.

Серлаге мыйым, Юмо, серлаге.

Ламех шортын ойлен: «Шкаланем сусырлан мый пөрьенным пуштынам, а самырык рвезым – шкаланем котырлан». Капым лавыртенат да ушым пычкемышым ыштенат гынат, чонем, тый молан от лўд.

Серлаге мыйым, Юмо, серлаге.

Чонем, Пүрышö тыйын шоныметым ок сорлыккло да чоя ыштышетым ок сүмырö ыле гын, тый шкендын уда кумылшупшмашетым пенгыдемден, нунын дене күкшö менгым чонен шогалтенат ыле.

Серлаге мыйым, Юмо, серлаге.

Ожно еным пуштшо Ламех гай лийынам, ракатым кычалын, пөрьен олмеш мый шке чонем пуштынам, самырык рвезе олмеш – ушемым, шолбыжым пуштшо Каин семын шке капемым пуштынам.

Серлаге мыйым, Юмо, серлаге.

Господь Господь деч тул йүрым колтен, содомлян-влакын закондымын илымыштым пытарен; чонем, тый геенысе тулым ылыжтенат да тушанак йўлет.

Серлаге мыйым, Юмо, серлаге.

Тушманын пикш умдыжо чонем ден капем вошт эртен, мый сусырген да лўман пытенам; үскырт кумылшупшмашын сусыржо котыр, шўймаш да пычкемыш дене темын.

Юмылан йөршö Мария авана, мемнан верч Юмым сөрвале.

Мария, сулыкын пундашдыме келгытыштыже улмет годым тый кидетым Чаманыде пуышо Юмо деке шуенат; тыйын вашталтметым чот вучышо Юмо тыланетат кидшым шуен да Петрым утарыме семын утарен.

Тау, Троицен: Тўнгалтышдыме, Ыштыдыме Троице, Шелаш лийдыме Икте, сулыкем верч öкынымем годым ит шўкал, сулыкым ыштенам гынат, утаре, вет Тыйын пўрымет улам, йёрдымылан ит шотло, мыйым чамане да тамык туллан судитлыме деч утаре.

Кызытат, Богородичен: Кучен Ашныше да Юмым Шочыктышо Яндар Ёдыр, Тый декет толшо-влакын Ёшанышт, тўтаныш логалше-влакын ўшык верышт, мыйым чаманыже манын, Шке Эргычым, Чаманыше Пүрышым, сөрвале.

3-шо муро

Ирмос: Господь, мыйын тарваныше шўмемым Шке күштымашетын кү ўмбаланже пенгыдемде, вет Тый Икте Святой да Господь улат.

Серлаге мыйым, Юмо, серлаге.

Чонем, шке кумылшупшметлан тарзыланен, тый египет ўдырамаш Агарь гай лийынат да торжалыкым, у Исмаилым, шочыктенат.

Серлаге мыйым, Юмо, серлаге.

Мландымбачын кавашке шушо тошкалтышым Иаковлан ончыктымо нерген, чонем, тый палет. Тушко ўшанлын кўзыктышө поро койыш-шоктышым молан ойрен налын отыл?

Серлаге мыйым, Юмо, серлаге.

Юмын священникше, шкет илыше Мелхиседек кугыжа семын, Христосын мландымбалне ең-влак коклаште илымыж семын иле.

Серлаге мыйым, Юмо, серлаге.

Пиалдыме чонем, илышын куанже пытыме деч ончыч, пайрем пörтын омсажым Господын петырымыж деч ончыч, тый вашталт да ойгырен шўлалте.

Серлаге мыйым, Юмо, серлаге.

Чонем, ончычсо деке пörтылын, шинчал менгыш ит савырне манын, содомысо ең-влакын пўрымашышт тыйым лўдыктыжө, да Сигор курыкеш утаралт.

Серлаге мыйым, Юмо, серлаге.

Кучен Ашныше, Тыйым моктен мурышо-влакын сөрвалымыштым ит шўкал. Айдемым йöратыше, чамане да ўшан дене йодшо-влаклан сулык касарымашым пу.

Тау, Троицен: Тичмаш Кумытло, Ыштыме огыл, Тўнгалтышдыме Улшо, Кум Тўс дене моктен мурымо, Тыйын куатетлан ўшан дене кумалше-влакым утаре.

Кызытат, Богородичен: Юмым Шочыктышо, Тый, пөръеным палыде, Тўнгалтышдыме Ача деч шке жапыште Эргым ыштенат да, шөретым пукшен, Ёдырак кодынат, тиде кугу öрмаш.

4-ше муро

Ирмос: Господь, Тыйын толшашет нерген пророк колын да лўдын, Ёдыр деч шочын, ең-влак деке толаш шоныметым пален, тыге каласен: Тыйын нерген колынам да лўдынам; Господь, Тыйын виетлан чап лийже.

Серлаге мыйым, Юмо, серлаге.

Утарышем, илыме кечем-влак кўчык, чер да чоялык дене темше улыт. Мыйым тушман ынже руалте да тудын кочкышыжо лияш огыл манын, Шкеак мыйым чамане, сулыкем верч öкынымем годым мыйым ит шўкал да чыным умылаш полшо.

Серлаге мыйым, Юмо, серлаге.

Чын ылыше ик ең ожно кугыжан власть да венец дене палемдыме улмаш, чапле вургемже, поянлыкше, погыжо да күтүжө шуко лийын, вучыдымын тудо йорлештын, поянлыкше да кугыжан чапше деч посна кодын.

Серлаге мыйым, Юмо, серлаге.

Чын ылыше да чылашт деч сулыкдымо саде егат сатанан чоян ондалымыже да вапшыж деч утлен кертын огыл; вучыдымын иктаж-могай ойго лиеш гын, тыйже, сулыкым йоратыше пиалдыме чонем, мом ыштет?

Серлаге мыйым, Юмо, серлаге.

Так арамак шомакемын кугешныше, шүмемын пешкыде улмыжым мый палем. Икте Чаманыше да Чын судитлыше, Тый мыйым фарисей дене пырля ит судитле, а мытарын үнышылыкшым мыланем пу да тудын деке ушо.

Серлаге мыйым, Юмо, серлаге.

Чаманыше Утарышем, капемын вургемжым лавыртен, сулыкым ыштымем нерген мый палем. Мыйым тушман ынже руалте да тудын кочкышыжо лияш огыл манын, Шкеак мыйым чамане, сулыкем верч öкынымем годым мыйым ит шүкал да чыным умылаш полшо.

Серлаге мыйым, Юмо, серлаге.

Чаманыше Утарышем, чонемым уда кумылшупшмаш дене локтылын, мый шкемым кү чонан истукан гайым ыштенам. Мыйым тушман ынже руалте да тудын кочкышыжо лияш огыл манын, Шкеак мыйым чамане, сулыкем верч öкынымем годым мыйым ит шүкал да чыным умылаш полшо.

Серлаге мыйым, Юмо, серлаге.

Законом пуышо Чаманыше Утарышем, мый Тыйын оетым колыштын омыл, Возымашетым шотыш налын омыл. Мыйым тушман ынже руалте да тудын кочкышыжо лияш огыл манын, Шкеак мыйым чамане, сулыкем верч öкынымем годым мыйым ит шүкал да чыным умылаш полшо.

Юмылан йöрышö Мария авана, мемнан верч Юмым сөрвале.

Сулыкын агурышкыжо шунгалтын, тый тушан кодын отыл, сай шонымашет да папат дене тушеч лектын, порылык күкшытыш шуынат да суксо-влакымат öрыктаренат.

Тау, Троицен: Кумытло улшо ик Юмо, Тыйым мый Мо улмет дене Шелаш лийдыме, Түсет дене Ушналтдыме, пырля Кугыжаланыше да Престолышто пырля улшо Юмылан шотлем да Тыланет пылпомышысо полатлаште кум пачаш мурымо куатле мурым мурем.

Кызыгат, Богородичен: Тый шочыктет да Яндар Ёдырак кодат, нарашталыкет тугак аралалтеш. Тый дечет Шочшо пүртүсын законжым уэмда, нарашта көргө шочшым ышта. Кунам күлеш, Юмо пүртүс радамым вашталта да мом шонымыжым ышта.

5-ше муро

Ирмос: Айдемым Йоратыше, Тыйым сөрвалем: эрдене эрак мыйым волгалтаре. Утарышем, мыйым Шке күштымашет-шамычын корныж дене кошташ да Тыйын эрыкетым шукташ туныкто.

Серлаге мыйым, Юмо, серлаге.

Чонем, тыйым Иисус паремдыже, да Господын корныж дене вияшын кошт манын, тый пүгыр ўдырамаш семын Тудын йолжо деке толын сукалте.

Серлаге мыйым, Юмо, серлаге.

Кучен Ашныше, Тый келге таве улат гын, Шкендын яндар өрдыжлуэт гыч мыланем вўдым йоктаре, самарий ўдырамаш семын мый тудым йўам да ончыкыжым йўмө шумым ом шиж, вет Тый курымашлык илыш йогыным пуэт.

Серлаге мыйым, Юмо, серлаге.

Кучен Ашныше Господь, мыйын шинчавўдем Силоам вўдйогын лийже, шўмемын шинчасортажым мушкын, Тыйым, курым деч ончыч улшо Волгыдым, ужам.

Юмылан йөршө Мария авана, мемнан верч Юмым сөрвале.

Поро пиалан авана, Илыш Пушентгылан яндар йоратымаш дене вуйым саваш шоненат да шонымашкет шуынат, ынде мыланемат күшыл чапыш шуаш полшо.

Тау, Троицен: Эн Святой Троице, Ик Юмо, Тыйым моктена: Святой, Святой, Святой улат Тый, Ача, Эрге да Святой Шўлыш – тичмаш Улшо да курым-курымеш кумалме Икте.

Кызыгат, Богородичен: Нарашта Яндар Ёдыр, пөръеным палыдыме Ава, сандалыкым пўрышө Юмо Тыйын гоч мыйын капемым да айдемын пүртүшым Шкеж дене ушен.

6-шо муро

Ирмос: Чаманыше Юмым уло шүмем дене сөрвалышым, Тудо мыйым, тамык пундаште улшым, кольо да илышемым колен йоммаш гыч нөлтале.

Серлаге мыйым, Юмо, серлаге.

Утарышем, мый кугыжан түсшым сүретлыме лу драхме окса улам, ожно Тый тудым йомдаренат. Юмын Шомак, ынде Шке светильникетым, Иоанн Предтечым, чүктен волгалтаре да кычал, Шке түсетым кычал му.

Серлаге мыйым, Юмо, серлаге.

Кынел да, Иисус кузе Амаликым сенен, тыят шке капет ден чонетын уда кумылшупшмашыштым да гаваонитян-шамыч гай алгаштарыше уда шонымашет-влакым эре сене.

Юмылан йөрешö Мария авана, мемнан верч Юмым сөрвале.

Мария авана, уда кумылшупшмашын тулжым йөрташ манын, чон йүлен, шинчавүдетым чарныде йоктаренат, тудын йогынжым мыланемат, шке кулетлан, пу.

Юмылан йөрешö Мария авана, мемнан верч Юмым сөрвале.

Мландымбалне яндарын илен, тый пылпомышысо яндарлыкыш шуынат. Авана, тыйым моктен мурышо-шамыч уда кумылшупшмашышт деч утаралтышт манын, Юмым сөрвале.

Тау, Троицен: Ача, Эрге да Юмын Шүлыш ойла: Мый Троице улам, Тичмаш да Ойыраш лийдыме, Түс дене Ойыртемалтше, пүртүс дене ушналтше Икте.

Кызытат, Богородичен: Юмым Шочыктышо Ёдыр, Тыйын көргет мемнан түсым налше Юмым шочыктен; Тудым, Чыла пүрышым, сөрвале, да Тыйын кумалмет дене чыныш лекташ лийже.

Юмо, серлаге (3 гана). Тау, кызытат:

Кондак, 6-шо сем:

Чонем, чонем, кынел, молан малет? Мучаш лишемеш, да тый өрмашыш пурет: Чыла вере улшо да чыла темыше Христос Юмо тыйым чаманыже манын, вашкерак помыжалт.

7-ше муро

Ирмос: Тыйын ончылнет сулыкым ыштенна, закондымын иленна, ондалкаленна, Тыйын күштymашет-влакым арален онал, шуктен онал, но Тый, ачана-шамычын Юмыжо, мемнам йөршешлан ит кодо.

Серлаге мыйым, Юмо, серлаге.

Илыме кечем-влак помыжалтше енын омыжо семын эртышт; ылышаш идалыкем шукемже манын, малыме верыштем Езекиа семын шортам. Чонем, чылаштын Юмыжо огыл гын, могай Исаяя тый декет толеш?

Серлаге мыйым, Юмо, серлаге.

Тыйын ончыкет суken возам да Тыланет шортын ойлем: яжар ұдырамаш дечат шуко сулыкым ыштенам, закондымо пашам мландымбалне чылашт деч шуко ыштенам. Кучен Ашныше, Шке пұрыметым чамане да мыйым нөлтал.

Серлаге мыйым, Юмо, серлаге.

Утарышем, Тыйын түсетым йомдаренам да Тыйын күштymашетым пудыртенам; уло порылыкем пычкемышалтын, уда кумылшупшмашем дене сортам йөрен. Тый мыйым чамане да мыланем йывыртymашым пу манын, Давид семын йодам.

Серлаге мыйым, Юмо, серлаге.

Савырне, сулыкет верч өкынө да шолыпышто кучыметым поч, Чыла палыше Юмылан Давид семын каласе: Икте Утарыше, Тый мыйын чыла шылтымемым палет гынат, Шкендын кугу чаманымашет дене мыйым серлаге.

Юмылан йөрышө Мария авана, мемнан верч Юмым сөрвале.

Юмын Эн Яндар Аважым сөрвален, тый көргыштет улшо ажгыныше кумылшупшмашым сорлыкленат да чоян ондалыше тушманым вожылтаренат; кызыт ынде мыланем, ойгышто улшо шке кулетлан, полшо.

Юмылан йөрышө Мария авана, мемнан верч Юмым сөрвале.

Юмылан йөрышө авана, тый шке кулет-влак верч Тудым сөрвале, Көм йөраренат, Көн деке чонет шупшын, Көн верч капетым орландаренат: Христос мемнан деке поро лийже да Тудым пагалыше-влаклан тыныс кумылым пуыжо.

Тау, Троицен: Тичмаш да Ойыраш лийдыме Троице, Иктак Улшо Ик Пүртүс, Волгыдо-влак да Волгыдо, Кум Святой да Ик Святой манын, Троице Юмо нерген мурат; чонем, тьят Ик Илышым да Илыш-влакым, чылаштын Юмыжым, мокто.

Кызытат, Богородичен: Юмым Шочыктышо Ёдыр, Тыйым моктен мурена, суапландарена, Тыланет кумалына, вет Тый Ойыраш лийдыме Троицын Иктыжым, Христос Юмым, шочыктенат да мыланна, мландымбалне улшо-влаклан, Пылпомышым Шкеак почынат.

8-ше муро

Ирмос: Тудым пылпомышысо куат-влак моктат, Херувим ден Серафим-шамыч лудын шогат. Чыла чонан ден чыла пуримыжко Тудым моктен мурыза, порын ойлыза да курым-курымеш чапландарыза.

Серлаге мыйым, Юмо, серлаге.

Утарышем, Тыйым ужам да, вуйышко миром йоктарыме семын, чаманымашым кычалше яжар удырамаш семын шинчавудем йоктарен, сулыкем касараш сорвалем.

Серлаге мыйым, Юмо, серлаге.

Поро шуман Утарышем, Тыйын ончылнет нигот мыйын наре сулыкым ыштен огыл гынат, сулыкем верч лудын окнем да, Ик Тыйын ончылнет мый сулыкым ыштенам, чаманыше улмет дене мыйым серлаге манын, йоратен сорвалымем годым Тый мыйым ит шукал.

Серлаге мыйым, Юмо, серлаге.

Утарышем, Шкендын пуриметым чамане да мыйым, ойырлен да йомын коштым, Кутучо семын кычал, пирын умшаж гыч руалтен нал да Шке шорык кутуетын пачажлан шотло.

Серлаге мыйым, Юмо, серлаге.

Чаманыше шуман Утарышем, Судитлыме верыш шичмет годым Тый Шкендын лудыкшо чапетым почат, тунам кугу лудмаш лиеш: конгаште тул йулаш тунгалеш, да Тыйын чытен керташ лийдыме чын судет ончылно чылан лудын шогаш тунгалыт.

Юмылан йорышо Мария авана, мемнан верч Юмым сорвале.

Христосын, пычкемышалтдыме Волгыдын, Аваже тыйым волгалтарен да уда кумылшупшмашын пычкемышыж деч утарен. Юмын Шулышын порылыкшым налше Мария авана, мемнамат, тыйым чын моктышо-влакым, волгалтаре.

Юмылан йорышо Мария авана, мемнан верч Юмым сорвале.

Капым налше суксо гай лийметым святой Зосима ир мландыште ужын, чот лүдын да, өрмаш дене темын, Христосым курымеш моктен.

Тау, Троицен: Тўналтышдыме Ача, Тўналтышдыме Эрге, Поро Йывыртыктыше, Чын Шўлыш, Юмо Шомакым Шочыктышо, Тўналтышдыме Ачан Шомакше, Иландарыше да Пўрен ыштыше Шўлыш, Ик Троице, мыйым серлаге.

Кызытат, Богородичен: Эн Яндар Ёдыр, уш-акылын чапле вургемже, Еммануилын капше, Тыйын көргыштет пурпур гыч куымо лийын, сандене ме Тыйым, Юмым чынак Шочыктышым, кугуэш ужуна.

9-ше муро

Ирмос: Нёшмё деч посна иланен шочмаш умылен керташ лийдыме, Юмын, Пелашдыме Ава деч курымашлык Саскан, шочмыжо пўртүсым уэмда. Сандене Тыйым, Юмын Ава лияш ойырен налме Ёдырым, чыла тукымат чын ўшанен мокта.

Серлаге мыйым, Юмо, серлаге.

Давидын Эргыже, Тый ия кучымо ең-влакым шомакет дене паремденат, мыйымат чамане, утаре, серлаге. Тыланет чынак ойлем, Шке чапем дене толмем годым Мый денем пырля райыште лият манын, разбойниклан каласыме поро мутетым мыланемат каласе.

Серлаге мыйым, Юмо, серлаге.

Бресыште кок разбойник кечен, иктыже Тыйым мыскылен, а весыже суапландарен. О Поро шўман Юмо, Тыйын Юмо улметым палыше да Тыланет ўшаныше разбойниклан Шкендын чапле Кугыжанышетын омсажым почмет семын мыланемат поч.

Серлаге мыйым, Юмо, серлаге.

Иисус, Тыйым Бресеш пудалымым ужын, чыла пўрымё лүдын чытырнен, курык ден кугу кў-влак шелалтыныт, мланде чытырналтын, тамык почылтын да яраш кодын, кечывал кече пычкемышалтын.

Серлаге мыйым, Юмо, серлаге.

Икте Утарыше, мыйын пенгыдылыкем чылт пытен, сандене сулыкемым шўраш йўрышё саскам мый дечем ит йод. Тый мыланем сулыкем верч ойгырышо шўмым, шкемым изиеш пыштыме шўлышым пу, да тидым мый Тыланет йўрышё надыр семын намием.

Серлаге мыйым, Юмо, серлаге.

Иисус, мыйым палыше Судия, уло тўням судитлаш суксо-влак дене пырля толмет годым чаманыше шинчат дене ончал да мыйым, чыла ең дечат шуко сулыкым ыштышым, чамане да серлаге.

Юмылан йӧрышӧ Мария авана, мемнан верч Юмым сӧрвале.

Мария авана, умылен керташ лийдыме илышет дене тый суксо-влак чиным да ең-влак погыным ӧрыктаренат, айдеме пўртўс деч ойыртемалтшын, тый суксо гай иленат, сандене Иордан энерым капдыме семын ошкыл вонченат.

Юмылан йӧрышӧ Мария авана, мемнан верч Юмым сӧрвале.

Юмылан йӧрышӧ авана, Пўрышынам сӧрвале, тыйым моктышо-влакым чаманыже, тўрлӧ ойго да орлык деч, ўмбақына кержалтше тушман-влак деч утарыже; мыланна, чыла нелылык деч утлен, тыйым чапландарыше Господьым мокташ лийже.

Преподобный Андрей ачана, мемнан верч Юмым сӧрвале.

Кугун пагалыме Андрей, чот поро пиалан ачана, Критын кўтўчыжӧ, тыйын нерген моктен мурышо-влак верч кумалметым ит чарне: да ме, тыйым ўшан дене шарныше-влак, чыла шыде да орлык деч, пытымаш да шотлен пытарыдыме сулыкна деч утлена.

Тау, Троичен: Ачам моктена, Эргым чапландарена, Юмын Шўлышлан вуйнам ўшан дене савена, Ойыраш лийдыме Троицылан, Икте Улшылан, Волгыдо да Волгыдо-влаклан, Илышлан да Илыш-влаклан, уло сандалыклан илышым пуышо да волгалтарышылан.

Кызыгат, Богородичен: Юмым Шочыктышо Эн Яндар Ёдыр, Шке олатым арале. Тыйын аралтышет йымалне тудо ўшан дене кугыжалана, Тый дечет пенгыдылыкым налеш, Тый денет, Тыйын полшымет дене чыла алгаштарымашым сенга, тушманым пленыш налеш да шыгыремдымаш деч утла.

Юмылан йӧрышӧ Мария Египетскаян ылышыже

Египетысе поро пиалан Мариян ылышыж нерген возен кодышо святой Софроний ойла: «Товитын сокыр шинчаже ӧрыктарышын почылтмеке, Архангел Рафаил тудлан тыге каласен: **«Кугыжан тайныжым аралыме сай, а Юмын ыштыме порыжым почшо да луктын ойлышо ег моктымо лиеш»**. Мый Юмын чапле пашажым шылташ лӱдам да тыгак Евангелийыште ончыктымо його тарзе нерген шарнем. Парышым ыштен налаш пуымо талантым тарзе кучылтын огыл, а мландыш шылтен, тидлан кӧра Господь тудым вурсен. Сандене мыланем каласыме святой повестьым мыят ом шылте, тудым чылан палышт манын, чыным луктын ойлем».

Кесарий воктене ик палестин монастырьыште преподобный инок Зосима илен. Тудым изинекак ты монастырьыш пуэныт. 53 ий тыште кумал ылымеке, ушышкыжо тыгай шонымаш пурен: «Эн торасе ир мландыште ала мый дечем утларак тыршыше еным муаш лиеш? Да тыгай святой енге лийын кертеш мо?»

Тыге шоналтен веле шуктен, тудын деке Господын Суксыжо толын да каласен: «Зосима, айдемын аклыме кӱкшыт дене ончаш гын, тый удан огыл кумал иленат, но ег-влак коклаште чын ыштыше иктат уке. Утаралтмашын могай

күкшытан улмыжым палынет гын, шке суртшо гыч лектын кайыше Авраам семын тыят шке обителет гыч лек да Иордан энгер воктене улшо монастырьыш кай».

Авва Зосима тунамак монастырь гыч каяш тарванен. Суксо почеш Иордан монастырьыш толын, тушанак илаш кодын. Подвиг дене волгалтше шуко старецым тыште вашлийын да нунын семын тыршаш тўналын.

Тыге шуко жап эртен. Святой Кугу пўтö годым ты монастырьыште ик öрыктарыше йўла лийын. Юмо преподобный Зосимым тудлан көрак тышке конден манын, шонаш лиш. Кугу пўтын икымше рушарнян игумен Юмын литургийым служитлен, чыланат Христосын Эн яндар Капшым да Вўржым подылыныт. Вара трапезныйыште изишак кочкыныт да уэш черкыш толыныт. Молитвам лудын, күлеш наре поклоным ыштен, икте весыштым проститлаш йодын, старец-влак игумен деч благословенийым налыныт да, «Юмо мыйын волгалтарышем да Утарышем: кө деч лўдам? Юмо илышемым аралыше: кө деч лўдам?» манын, 26-шо псаломым пырля муреныт. Тыгодым монастырьын капкажым починыт, да чыланат ир мландыш каеныт.

Кажныже пеленже изишак кочкышым але иктаж арверым налын кертын, но южо енге нимомат налын огыл, ир мландыште тўрлö кушкыл вожым кочкын илен. Инок-влак Иордан энгер вес вельш вонченыт да икте весышт деч тораш каеныт, пўтым кө кузе кучен илымым нуно ваш ужын огытыл.

Кугу пўтö мучаште, Господь Иисус Христосын Иерусалим олаш Чапландаралт пурымо кечын, инок-влак монастырьыш пöртылыныт, шке святой илышыштын саскаштым конденыт, совестыштым шке тергеныт. Кө кузе тыршен, могай подвигым ыштен, тидын нерген адак нигö йодыштын огыл.

Монастырь йўла почеш авва Зосима тудо ийын Иордан энгерым вончен. Ир мландыште шкетын уло тўня верч кумал илыше иктаж святой старецым вашлияш шонен, торашкырак каяш тыршен. Тыге тудо коло кече ошкылын. Молитвам лудын, 6-шо шагатын псаломжо-шамычым мурен ошкылмыж годым икана шкеж деч пурла велне ала-могай ўмылым ужын. Ия конча манын шоналтен да, лўдын, шкенжым ырслен, ончыч молитвам лудын, вара иже пурла вельш ончалын. Тудо ир мланде дене ошкылшо чара айдемым ужын, саде енын капше кече дене чот шемемше, а күчык ўпшö пача меж гай ошемше лийын. Аавва Зосима кум арня наре нигöмат ужын огыл, сандене куанен, ты ег деке лишемаш шонен.

Но Зосимын лишеммыжым ужмеке, ўмыл гае койшо чара ег шылаш вашкен. Шонго улмыжым да нойымыжым монден, авва Зосима тудын почешыже куржаш төчен. Ўнарже пытымеке, кошкышо энгер воктен чарнен шогалын да тудын деч шылаш төчышö еным сөрвалаш тўналын: «Тыште утаралт илыше ег, молан мый дечем, сулыкан старец деч, куржат? Мый вийдыме да йöрдымö улам гынат, Господь

лүмеш мыйым вучалте, шке святой молитватым пу да мыйым суапландаре, нигунам нигөм күлдымылан ит шотло».

Палыдыме ең савырнен ончалын огыл, но кычкыралын: «Проститле, авва Зосима, но мый үдырамаш улам, сандене тыйын ончыкет лишемын ом керт. Ужат вет, чара капемым петыраш йөрышө нимогай вургемем уке. Но мыйын верч, чот сулыкан пиалдыме ең верч, кумалаш шонет гын, мыланем шке плащетым кудалте, тунам тый декет лишемын да тыйын суапландарыметым налын кертам».

«Ужамат, тудын святой илышыжым да ең-влаклан палыдыме подвижшым Господь пала, сандене тудлан ончык ужмо порылыкым пуэн, уке гын, тудо мыйын лүмем каласен ок керт ыле», – шоналтен авва Зосима. Үдырамашын йодмыжым шуктен, шке үмбал вургемжым кудадын да тудлан пуэн.

Плащ дене вүдылалтмеке, үдырамаш Зосима деч йодын: «Авва Зосима, молан мый денем, сулыкан да пеш ушанжак огыл үдырамаш дене, мутланаш шонет? Почешем куржын, тынар виетым пытарышыч, мом пален налнет да молан тунемнет?»

Авва Зосима тудын ончыко сукен шинчын да суапландараш йодын. Тыгак үдырамашат тудын ончыко сукалтен да благословитлаш йодын. Нуно икте-весеыштым «суапландаре» манын сөрваленыт. Вара үдырамаш каласен: «Авва Зосима, суапландараш да молитвам лудаш тыланет келшен толеш, вет тый пресвитер санлан йөрэнат, шуко ий Христосын алтарьже ончылно шовет да Господьлан Святой Надырым кондет».

Нине мут-влак преподобный Зосимым эшеат чот лүдыктеныт. Тудо келгын шүлалтен да вашештен: «О духовный күкшытан ава! Тый тўнялан колэнат, сандене мемнан кокла гыч Юмо деке лишкырак улат. Мыйым ончыч нигунам ужын отыл, а лүмем да пресвитер улмем палет. Тыгай күкшытан улметлан көра Господь лүмеш мыйым благословитле».

Зосимын пенгыдылыкшым ужын, үдырамаш каласен: «Чыла еным утараш шонышо Юмо суапландарыме». Авва Зосима «Аминь» манын, да нуно коктынат мландымбач кынелыныт. Үдырамаш уэш старец деч йодын: «Святой ача, молан мый декем, сулыкан да нимогай порылык укеан үдырамаш деке, толынат? Чонемлан ик польш чот күлеш. Святой Шүлышын порылыкшо тидлан ала тыйым ойырен налын? Авва Зосима, ончыч каласе, кызыт христиан-шамыч кузе илат, Юмын святой Черкыже-влак кузе шогат, кушкыт да уэмыт мо?»

Авва Зосима тудлан вашештен: «Святой кумалмыда полшымо дене Юмо уло Черкылан да мыланна тынысым пуэн. Святой ава, мыйын йодмем шотыш нал. Юмын лүмжө дене сөрвалем, уло тўня да тыгак мыйын верч, сулыкан йөрдымө старец верч, кумал. Ир мландыште тиде коштмем арам ынже лий».

Святой ўдырамаш манын: «Авва Зосима, тый священный чинан ең улат, тиде тыланет чылашт верч, тыгак мыйын верчат кумалаш келшен толеш. Священник сан тидланак пуалтын. Юмын чыным шукташ кўлмым мыят палем, сандене йодметым яндар шўм дене шукташ тўнгалам».

Тыге каласымеке, святой ўдырамаш эрвельш савырнен, кидшым кўшкё нўлталын, кавашке ончен, шыпак кумалаш тўнгалын. Кумалмыж годым пел метрлан южышко нўлталтын, тидым ужын, старец мландымбаке сукен возын да, «Юмо серлаге» манын, шкежат уло чонжо дене шыпак кумалын.

Ушышкыжо трук шонымаш пурен: «Ала тиде шинчамлан коймаш веле? Ала мыйым иктаж-могай осал ондала?» Тунам преподобный ўдырамаш кумалмыжым чарнен, савырнен, старецлан кынелаш полшен да манын: «Авва Зосима, тый ит өр. Мый шинчатлан коймаш омыл, а сулыкан да йўрдымё ўдырамаш улам, Юмылан тау, кеч святой Тынеш пурымаш дене пенгыдемдыме улам!» Тылеч вара шке ўмбақыже ыреш палым пыштен.

Старец уэш тудын ончыкыжо сукен возын да шортын сўрвален: «Мемнан Христос Юмынан лўмжё дене йодам, шке илышет нерген чон почын каласкале, Юмын кўкшытшым почын ончыкто. Мемнан Господь Юмынан куатше полшымо дене илет манын, мый ўшанем. Тыште пўтым кучен илыметым уло тўнялан палдараш манын, ты ир мландыш колтымо улмем ынде умылышым».

Святой ўдырамаш каласен: «Авва Зосима, шкемын шотдымо илышем нерген ойлаш вожылам. Чот удан илымем нерген пален налат гын, шинчат ден пылышетым петырен, мый дечем аяр кишке деч куржмо семын куржашет логалеш. Туге гынат, уло сулыкем нерген нимом шылтыде каласем. Но тыйым чот сўрвалем: могай сулыкан ең улмем пален налат гынат, мыйын верч кумалмым ит чарне. Тунам мый Суд кечын ўшан дене шогаш тўнгалам.

Мый Египетыште шочынам. 12 ияш улмем годымак, ача-авамым коден, Александрий олаш каенам. Тушто шке нарашталыкем йомдаренам да капын йодмыжым темдымын шукташ тўнгалынам. Тыгай сулыкан илыш дене латшым ий иленам. Илыш айдемылан капын кумылшупшмашыжым темаш пуалтын шоненам.

Икана Ливий да Египет гыч шуко еңын теңыз деке ошкылмыштым ужынам. Нуно корабль дене Иерусалимыш, Господын Святой Ыресшым нўлталме пайремыш, каяш вашкеныт. Мыят нунын дене пырля корабльыш шинчынам, но мыйым тушко Иерусалимысе пайрем огыл, а шуқырак ең дене яжарланаш йўн улмо шупшын.

Кызыт шкеат өрам, кузе теңыз мыйын шала койышем чытен, кузе мланде мыйым илышынек тамыкыш нелын огыл. Мый туштат шуко чоным алгаштаренам да пытаренам. Сулыкем верч өкынымем Юмо чытенак вучен, вет Тудо сулыкан

енгын колымыжым огыл, а тудын вашталтмыжым кужун вуча. Тыге мый Иерусалимыш толынам, корабльыште улмо семынак, пайрем марте туштат яжарланенам.

Господьын Кугун пагалыме Святой Ыресшым нӧлталме пайрем вашешат самырык-влакым ончычсо семынак сулыкыш шупшынам. Ен-влакын черкыш пеш эр кайымыштым ужын, чылашт дене пырля черке кудывечыш пуренам. Святой Ыресым нӧлталме жап шумек, уло калык дене пырля черкыш пурынем ыле. Пыкше гына омса деке шуынам, йолем омсалондеммыш шынденам, но Юмын аламогай куатше мыланем кӧргыш пураш пуэн огыл. Уло калык нимогай чарак деч посна черкыш пура, а мыйым пуйто мӧнгеш налын кудалтат. Ончыч шоненам: моло ўдырамаш семынак вийдыме улмемлан кӧра пурен ом керт, сандене уэш пураш тӧченам. Кунар толашенам гынат, садак пурен кертын омыл, черке омсалондемеш эре чарнен шогалынам.

Кум але ныл гана тыге лиймеке, ты кугу пайремыш пураш йӧрдымӧ улмем умылышым. Илышым пуышо Святой Ыресым ужаш шке сулыкем-шамычак мешаеныт. Чот шӱлыкангын, кудывече лукыш миен шогальым. Чылаштым чаманыше Господьын порылыкшо тыгодым шӱмышкем логале: сулыкем верч ӧкынен, онгем кырен, уло йӱкын шорташ тӱнгальым. Уло чон дене Господьым сӧрвалымом годым Юмын Эн Святой Аважын иконыжым ужым да кумалаш тӱнгальым:

«О Владычице, Юмо-Шомакым кап дене шочыктышо Ёдыр! Тыйын юмонатым ончалаш йӧрдымӧ улмем палем. Яжар да чылаштын ужмышудымо улам, Тыланетат йырнык улам, Тыйын яндарлыкчет деч корандымат пеш чын. Но мый палем: Юмо мландымбаке сулыкан-шамычым сулыкышт деч корандаш толын да тидлан верч айдеме лийын. Яндар Ёдыр, мыланем черкыш пураш полшо, Господьым пудалыме Пушенгым ужаш лийже. Вет тудо Шкенжын яндар Вӱржым мыйын верчат йоктарен, мыйым, сулыканым, сулык деч утараш шонен. Владычице, святой Ыреслан кумалаш мыланемат омсам почаш кӱштӧ. Тый дечет Шочшым мыйын верч ўшан дене сӧрвале. Мутым пуэм: тиде жап гыч капын нимогай лавыраж дене шкемым лавырташ ом тӱнал. Эргычын Илышым пуышо Ыресшым ужам гын, тӱня деч вигак корангам да кушко Тый кӱштет, тушко каем».

Тыге сӧрвалымом годым трук шижым – мыйын кумалмем колыныт. Юмын Аван порылыкшылан чот ўшанен, адак ен-влак дене пырля ончыко тарванышым. Ты гана мыйым нигӧат шӱкен огыл, нимоат авырен огыл. Омса деке тургыжланен да лӱдын лишемынам, черке кӧргыш пурен, Господьын Святой Ыресшым ужнынам.

Тыге мый Юмын тайныжым, сулыкышт верч ӧкынышӧ-влакым проститлаш ямде улмыжым, паленам. Сукен возын кумалынам, чыла святыным шупшалмек,

храм гыч лектынам. Мыйын верч сөрвален йодшо Юмын Ава деке вашкенам. Юмонаже ончыко сукен шинчын, адак кумалынам:

«Порым йоратыше Владычице, Юмым Шочыктышо Ёдыр! Тау Тыланет, вет йордымё улам гынат, мыйын сөрвален йодмем деч Тый йырнен отыл. Сулыкышт верч окынышö-влакым Тыйын полшымет дене проститлыше Юмылан чап лийже. Тыйын ончылно сöрымем шукташ жап шуын. Владычице, шуко сулыкем верч окынымö корныш мыйым вктаре».

Кумалын чарненат шым шукто, тора гыч каласыме йүкым кольым: «Иордан энгерым вончымеке, поро пиалан лыпланымашым муат». Тидым мыланем каласымылан вигак ўшанышым да Юмын Авалан шортын кычкыралым: «Госпожа, Владычице, мый йырнык да сулыкан улам гынат, мыйым ит шүкал, полшо мыланем». Шкеже черке кудывече гыч тунамак писын лектын каенам. Ик ен мыланем кум вүргене оксам пуэн. Тиде окса дене кум сукур киндым налынам, киндым ужалыше ен деч Иордан деке кайыме корным йодынам.

Кече шичме жаплан Иордан воктеке, святой Иоанн Креститель лүмеш черке деке, миен шуынам. Ончыч черкыште сукен кумалынам, вара Иордан энгер деке волен, святой вүд дене кидем да шүргем шүалтенам. Святой Иоанн Предтече лүмеш храмыште причастийыш ушнен, Христосын Эн яндар да Илышым пуышо Тайныжым көргышкем налмеке, пел сукур киндым кочкынам да Иорданын святой вүдым подылынам, вара храм воктен маленам. Эрдене тораште огыл изирак пушым ужынам. Тудо пуш дене энгерым вончен, адак Юмын Авам шокшын сөрваленам. Тудлан келшыше верыш колташ йодынам. Тудын вктарымыж дене ты ир мландыш толынам».

–Святой ава, ты ир мландыш толметлан ынде мыняр ий лиеш? – йодын старец.

–Святой Ола гыч лекмемлан 47 ий эртен шонем, – вашештен тудыжо.

–Кочкашет мо уло, але мом мумет дене веле илет? – адак йодын авва Зосима.

–Иордан энгерым вончымом годым кок сукурат пеле киндем ыле. Саде кошкышо кинде пудыргым мый икмыняр ий изин-изин кочкынам, – манын ўдырамаш.

–Тынар ий черланыде иленат мо? Нимогай алгаштарымашат лийын огыл? – йодын старец.

–Авва Зосима, ўшане мыланем, шке уда койыш-шоктышем ваштареш мый тыште ир янлык дене кредалме семын 17 ий наре кредалынам. Иктаж-мом пурлаш шинчам, Египетыште кочкаш тунемме шыл ден кол ушышкем пурат. Ончыч йошкар аракам шуко йўнам, а тыште ны вүд, ны кочкыш лийын огыл, сандене йўмө шумо да шужымаш чот орландареныт, эше йошкар аракам йўмем шуын. Тидын деч кугурак

орлыкымат ужинам: пылышемлан ончыч мурымо шотдымо муру-влак йонгеныт, мураш таратен, ушем ден шүмемым туржыныт. Юмым Шочыктышо Святой Аван юмонаже ончылно пуымо сӧрымашем шарнен, тыгай годым мый онемым кырен шортынам. Чонемым пытарыше уда кумылшупшмашым поктен колтыжо манын, Юмын Авам сӧрваленам. Шкемын шуко сулыкем верч тынар жап шортын ӧкынымемлан кӧра мый чыла волгалтарыше Волгыдым ужаш тӱнгальнам, тунам чонемым тӱтан олмеш лыпланымаш авалтен, – чон почын ойлен святой ӱдырамаш.

–Яжарланыме кумылшупшмашын могай улмыж нерген тыланет кузе каласен кертам? Шүмыштем пуйто тул ылыжын да мыйым пӱтынек йӱлалтен. Тыгай шижмаш орландарыме годым мландымбаке сукен возынам, шижынам: мыйын верч кумалше Юмын Ава лишнак шога да сӧрымем пудыртымо верч судитла. Осал шонымашым поктен колтышо да сулыкем касарыше Волгыдым толаш ӱжын, йӱд-кече кумалын, мландымбалне киенам. Тыге тиде ир мландыште 17 ий иленам. Ожнысо сулыкем верч мыйым пычкемыш почеш пычкемыш, орлык почеш орлык поктен. 17 ий тыге орланыме деч вара мыланем Юмын Ава чот полшаш тӱнгальн да кызыт мартеат вуйлата.

Авва Зосима адак йодын: «Тыланет тыште ны кочкыш, ны вургем кӱлын огыл мо?» А преподобный ӱдырамаш манын: «Киндем пытымеке, мый кушкыл вожым да мландымбалне мом мумемым кочкынам. Иордан энгерым вончымо годсо ӱмбал вургемем йӧршын пытен, сандене кечан годым чот когаргенам, а теле йӱштӧ годым кылмен чытыренам. Шуко гана колышо гае мландымбаке йӧрлынам. Сенаш лийдыме шуко ойго, орлык да алгаштарымаш ваштареш пыкше шогенам. Но сулыкан чонем ден ӱнгышемше капемым Юмын куатше таче мартеат умылаш лийдымын арала. Юмын шомак чылалан поян, тудын дене мый теминам да леведалтынам, вет айдеме кинде дене гына огыл, а Юмын умшаж гыч лекше кажне шомакше дене ила. Сулыкын вургемжым чийыше айдеме чара кодеш гын, кӱ дене вӱдылалтеш. Мыняр осал паша да могай сулык деч Господь мыйым арален кодымым умылем, тиде улылымаш мыланем кочкын пытараш лийдыме кочкыш лийын.

Авва Зосима тудым колыштын да пален: святой ӱдырамаш ойлымыж годым Священный Возымаш гыч, Моисейын да Иовын книгаже, тыгак Давидын псаломжо гыч ужаш-влакым кучылтеш. Тидын нерген ӧрын йодмыжлан, ӱдырамаш шыргыжалын вашештен:

–Юмын енге, мыланем ӱшане, Иордан энгерым вончымекем ик енымат ужын омыл. Книга лудаш нигунам тунемын омыл, ны черке мурым, ны Юмын книга лудмым колын омыл. Юмын илыше да чыла кертше Шомакше айдемым уш-акыллан тунукта. Шке илышем нерген чыла ойлышым. Адак тӱнгалтышкак пӧртылам. Святой ача, Юмо Шомакын капан лиймыж дене тыйым сӧрвален йодам, кугу

сулыкан улам гынат, мыйын верч кумал. Эше мемнан Господь Иисус Христос дене сөрвалем, тыште мом мыйын илышем нерген колынат, Юмо мыйын чонемым мландымбач налмешке, нигöлан ит ойло. Кызыт каласымем шукто: вес ийын Кугу пүтö годым Иордан вес велыш ит кай.

Монастырьын тиде йўлаж нерген авва Зосима ончыч ик шомакымат ойлен огыл, садлан адакат öрын.

–Авва, тунам чылан каят гынат, тый монастырьште лий, кеч тунам лекнет гынат, тидым ыштен от керт. Святой Кугу изарня кечын, Господын Тайный Вечеряже годым, Христос Юмын Илышым пуышо Капше ден Вўржым святой атыш пыште да мыланем кондо. Иордан вес велне мыйым вучо, миен, мыланем Святой Пырчесым подылаш лийже. Тендан обительын игуменжылан, авва Иоаннлан, тыге каласе: «Шке декет да шке күтүэт деке түткө лий». Но тый тидым кызыт огыл, а Господь кунам күшта, тунам ойло.

Тыге каласымек да шкеж верч кумалаш адак уэш йодмек, преподобный ўдырамаш савырнен каен. Господын тыгай чудым ончыктымыж нерген старец Зосима ик ий нигöлан ойлен огыл, тудым уэш ужаш полшыжо манын, Господым сөрвален. Вес ийын, святой Кугу пүтын икымше арняштыже, преподобный Зосима черланен да монастырешак кодын. Тунам тудо ўдырамашын ончык ужын каласымыжым шарналтен. Икмыняр кече гыч паремын гынат, Страстной арня марте нигуш каен огыл.

Христосын Шолып Кас кочкишым ыштыме кечыже лишемын. Тунам авва Зосима сöрымыжым шукташ тарванен. Кастене монастырь гыч лектын, Иордан дек толын да серыште вучен шинчен. Святой ўдырамашым уэш ужаш манын, Юмым сөрвален. Энер вес велне преподобный ўдырамашым ужын, Юмылан таум ыштен, а шкеже шонен: «Пуш деч посна Иордан энерым кузе вонча гын?» Но ўдырамаш Иордан энерым ыреслен да вўд ўмбач ошкылын. Старец тудлан сукен кумалнеже ыле, но энер покшеч ўдырамаш кычкыралын: «Авва, тый мом ыштылат? Вет тый Юмын кугу Тайныжым нумалше иерей улат!»

Энерым вончымеке, преподобный ўдырамаш каласен: «Ачай, благословитле». Тудын вўд ўмбач толмыжым ужмо дене öрткышö авва лўдын вашештен: «Шкенжым сулык деч эрыктыше еным Юмо Шкеж гайым ышташ сöрен да чын лийын. Христос Юмо, тичмашлык күкшыт гыч мыняр тораште улмем Тый ынде Шке святой кулет гоч ончыктышыч, тидлан Тыланет кугу тау».

Преподобный ўдырамаш тудым «Ўшанымашын Символжым» да «Пылпомышто улшо мемнан Ачана» молитвам лудаш йодын. Христосын Лўдыкшö Святой Тайныжым көргышкыжö налмекше, кидшым күшкө нöлталын да святой Симеон Богоприимецын молитважым шортын ойлен: «Ынде, Господь, шомакетым

шуктен, шке тарзетым тыныслык дене колтет: мыйын шинчам Тыйын пуымо утарымашым ужо».

Вара каласен: «Авва, мыйым проститле да кызыт шке монастырьышкет кай. Эше ик йодмем шукташет логалеш. Саде кошкышо энгер дек, первый гана вашлийын мутланыме верыш, вес ийын уэш мий».

Авва Зосима вашештен: «Тыйын святой илышетым ужаш манын, тыйын пеленет эре лияш ыле!» Преподобный ег тудлан каласен: «Господь лүм дене йодам, сулыккан улмем шарне да мыйын верч кумал, чот кумал». Тудо адак Иордан энгерым ыреслен, вүд үмбач вончен, ир мландыш каен йомын. А старец Зосима монастырьыш чон пырткен пörтылын, Юмылан йöрышö ўдырамашын лүмжым йодаш мондымыж верч шкенжым вурсен. Но вес ийын тидын нерген пален налаш ўшаным йомдарен огыл.

Ик ий эртымек авва Зосима уэш ир мландыш каен. Кошкышо вүдйогын деке миен шуын да ужын: кидшым онгыш ыресла пыштен, чурийже дене Эрвельш ончен, святой ўдырамаш колышо киен. Авва Зосима тудын йолжым шке шинчавүдшö дене мушкын, а капшым тўкаш тоштын огыл. Юмылан йöрышö-шамычын колымышт годым мураш келшыше псалом-влакым мурен, кужун шортын, вара тойымо годсо молитва-шамычым лудын. «Колышо капшым тоем гын, преподобный ўдырамаш мыланем ок öпкелалт мо?» – шоналтен тунам да тыште возен кодымым ужын: «Авва Зосима, ўнгышö Мариян капшым тиде вереш тойо, рокым роклан пу. Юмын Тайный Вечерыштыже Пырчесым подылмеке, Христосын утарыше орланымашыже йўдым, апрель тылзын икымше кечынже колышо Мария верч, Господьым сөрвале».

Авва Зосима ты возымым лудын да öрын, вет ўдырамаш грамотым пален огыл. Но тудын лүмжым пален налмылан йывыртен да умылен: Юмылан йöрышö Мария тунам Иорданыште тудын кидше гыч Святой Пырчесым подылын да ты кужу корным ик кечыште эртен. Тышан тудын чонжо Господь деке куснен. А Зосима шкеже ты корным коло кечыште веле эртен кертын.

Юмым чапландарен, авва Зосима шке шинчавүдшö дене мландым да преподобный Мариян капшым нöртен, вара шкаланже шке каласен: «Старец Зосима, тыланет кўштымым шукташ жап шуын. Тыште нимогай арвер уке гынат, шўгарым кузе кертат, туге кўнчö». Тудо тораште огыл йöрлшö пушенгым ужын, кукшо укшыж дене мландым удыраш тöчен. Пўжалт пытымеш толашен гынат, нимом ыштен кертын огыл, вет мланде чылт кў гай пентгыде лийын. Вуйжым нöлталын да преподобный Мариян йолжым нулен шинчыше кугу левым ужын. Старец ончыч чот лўдын, вара шкенжым ыреслен да, святой ўдырамашын кумалмыж дене садак илыше кодам манын, ўшанен. Лев тудын деке порын лишемын. Святой Мариян капшым тоен кертат манын, авва Зосима левлан

шүгарым күнчаш күштен. Лев мландым удыраш тўнгалын. Преподобный Мариян капшым ты лакыш тойымеке, кажныже шке корныж дене каен. Мемнан Христос Юмынам моктен, авва Зосима монастырьыш вашкен, а лев – ир мландыш.

Авва Зосима обительыш толын да игумен ден монах-влаклан преподобный Мариян илышыжым почын ойлен. Юмын күкшытшө нерген колын, чыланат öрыныт да святой Мариян колымо кечыжым, тудын нерген шарнымашым лүдын, ўшанен да йöратен палемдаш товатленит. Авва Иоанн, обительын игуменже, Юмын полшымыж дене монастырьыште мо күлешым тöрлен, тыге преподобныйын шижтарен каласымыжым шуктен. Авва Зосима тыште Юмылан йöрышын кужун илен, шүдö ий марте изиш гына илен шуде, курымашлык илышыш куснен.

Чыла моктымо святой Иоанн Креститель лүмеш ты обительын монахе-влак мыланна Египетысе преподобный Мариян öрыктарыше илышыж нерген повестыым араленыт. Тудо ончыч возымо лийын огыл, святой старец-влак шке тунемшыштлан каласкаленыт. Тидын нерген святой ача-влак деч мом колмыжым Иерусалимын патриархше святитель Софроний 7-ше курымышто возен коден. (Тудым шкенжым 11-ше мартыште пагален шарнат)

Ўшан дене мийыше кажне енлан порылыкым пуышо Юмо тиде öрыктарыше повестыым арален кодышо ен-влакым чаманыже. Тыгак мемнамат, кө тудым лудын да колыштын, чаманыже да Египетысе поро пиалан Мария да Юмылан курымла годсек йöрышö чыла святой дене пырля лияш мыланнат пүрыжö. Юмым, Курымашлык Кугыжам, моктена, да Иисус Христос Господьна дене Суд Кечын вашлийме годым чаманыме лияш ўшанена. Тудын Ачаже да Илышым пуышо Эн Святой Шүлышыж дене пырля Тудлан чап, пагалымаш, кугыжаныш да кумалмаш кызытат, керек кунамат, курым-курым мучкак, аминь.